

حزب عدله

دویمین ۱۰ رمضان ۱۳۳۲ ۲۰ تموز ۱۳۳۰ شماره ۱۱۲

قائم مقام

نوابزاده عدله

منحل اولان ارطغرل سنجاغی بدایت محکمه سی جزا دائره سی ریاسته تحویل طلبنده بولنان
 بوردور سنجاغی بدایت محکمه سی جزا دائره سی رئیس حسن لطفی و بوردور سنجاغی بدایت محکمه سی
 جزا دائره سی ریاسته تحویلی ایجاب ایدن صاروخان سنجاغی بدایت محکمه سی جزا دائره سی رئیس بهجت
 و صاروخان سنجاغی بدایت محکمه سی جزا دائره سی ریاسته تحویل استدعا سنده بولنان دکزلی سنجاغی
 بدایت محکمه سی جزا دائره سی رئیس شکری و دکزلی سنجاغی بدایت محکمه سی جزا دائره سی ریاسته
 بارطین قضاسی لوابدایت محکمه سی مدعی عموم سی شوکت و بارطین قضاسی لوابدایت محکمه سی مدعی عموم سیلکنه
 دیمتوقه قضاسی بدایت محکمه سی مدعی عمومی امین و دیمتوقه قضاسی بدایت محکمه سی مدعی عموم سیلکنه
 ادرنه ولایتی استیناف محکمه سی اعضا ملازم سابق سعید و وان ولایتی استیناف محکمه سی اعضا الغنه بازید
 سنجاغی بدایت محکمه سی جزا دائره سی رئیس حسن و بازید سنجاغی بدایت محکمه سی جزا دائره سی
 ریاسته موش سنجاغی بدایت محکمه سی مدعی عمومی علی نظیف و موش سنجاغی بدایت محکمه سی
 مدعی عموم سیلکنه جبل برکت سنجاغی بدایت محکمه سی مدعی عموم سیلکندن مستعفی حسین فوزی و یوزغاد
 سنجاغی استیناف محکمه سی اعضا الغنه تعیین ایدیلان دیمتر کی افدینک وقوع استعفا سی حسنیله یرینه ایدین

سنجانی بدایت محکمه سی اعضا سندن اورام وایدن سنجانی بدایت محکمه سی اعضا غنه در سعادت مکتب حقوقدن علی الاعلی درجه ده مأذون ستراق ووان ولایتی مرکز قضایی صلح حاکی معاون لکنه نامروان قضایی بدایت محکمه سی ریاستدن مستغنی حسن فهمی واطه پازاری قضایی بدایت محکمه سی جزا دائره سی ریاسته بولی سنجانی بدایت محکمه سی اعضا سندن محمد تحسین و بولی سنجانی بدایت محکمه سی اعضا غنه فکه قضایی بدایت محکمه سی مدعی عمومیلکندن مستغنی صالح و آلا شهر قضایی لوابدایت محکمه سی اعضا سندن وانکل افندینک وقوع استعفا سی حسیله یرینه در سعادت مکتب حقوقدن اعلی درجه ده مأذون دیقرا ن و مرسی ن سنجانی بدایت محکمه سی اعضا غنه تعیین اولان یاتقو افندیس افندینک کذلک استعفا سنی مبنی یرینه در سعادت مکتب حقوقدن علی الاعلی درجه ده مأذون بغیردیچ ملکین والشکر د قضایی بدایت محکمه سی مدعی عمومیلکنه معموره الرشاد قضایی بدایت محکمه سی مستنطقلکندن مستغنی ودر سعادت مکتب حقوقدن اعلی درجه ده مأذون محمد صبری وچوله مرک قضایی بدایت محکمه سی مدعی عمومیلکنه حکاری سنجانی بدایت محکمه سی اعضا غندن مستغنی احمد حدی و حکاری سنجانی بدایت محکمه سی مستنطقلکنه بایزید سنجانی بدایت محکمه سی مستنطق محمد فاضل و بایزید سنجانی بدایت محکمه سی مستنطقلکنه لالا پاشا قضایی بدایت محکمه سی مستنطق سابق عثمان نوری و کورده قضایی بدایت محکمه سی مستنطقلکنه در سعادت مکتب حقوقدن اعلی درجه ده مأذون عبدالباقی افندیل نقل و تعیین اولمش وزور سنجانی بدایت محکمه سی مدعی عمومیس علاء الدین افندی ایل کرک سنجانی بدایت محکمه سی مدعی عمومیس سلیمان واسکیشهر قضایی لوابدایت محکمه سی اعضا ملازمی درویش افندی ایل خداوندکار ولایتی مرکز بدایت محکمه سی اعضا ملازمی حسن تحسین افندیلرک دخی بجایشلری اجرا ایدلشددر .

بو اراده سینه نک اجراسنه عدلیہ ناظری مأموردر .

۱۰ شعبان سنه ۱۳۲۲ و ۲۶ خیران سنه ۱۳۳۰

محمد رشاد

عدلیہ ناظری
ابراہیم محمد سعید

سیواس ولایتی استیناف محکمه سی جزا دائره سی ریاسته بیروت ولایتی استیناف محکمه سی مدعی عمومیس سعید زین الدین و بیروت ولایتی استیناف محکمه سی مدعی عمومیلکنه سوریه ولایتی استیناف محکمه سی مدعی عمومیس انور و سوریه ولایتی استیناف محکمه سی مدعی عمومیلکنه بیروت ولایتی مرکز قضایی صلح حاکی عبداہ مجدی و بیروت ولایتی استیناف محکمه سی جزا دائره سی ریاسته کلیولی سنجانی استیناف محکمه سی

رئیس محمد علی منیر و کلیولی سنجانی استیناف محکمه سی ریاسته تکفور طغانی سنجانی استیناف محکمه سی مدعی عمومیس شگری و تکفور طغانی سنجانی استیناف محکمه سی مدعی عمومیلکنه ویزه قضایی بدایت محکمه سی حاکی و اصف افندیلر نقل و تعیین اولمش و موش سنجانی بدایت محکمه سی جزا دائره سی رئیس عمر مدحت افندی ایل کنج سنجانی بدایت محکمه سی جزا دائره سی رئیس اسماعیل زهدی افندینک دخی بجایشلری اجرا ایدلشددر .

بو اراده سینه نک اجراسنه عدلیہ ناظری مأموردر .

۱۵ شعبان سنه ۱۳۲۲ و ۲۶ خیران سنه ۱۳۳۰

محمد رشاد

عدلیہ ناظری
ابراہیم محمد سعید

* *

مرفقه وشارکوی قضاری بدایت محکمه سی مستنطقلکی وکالتنه ایصاله قضایی بدایت محکمه سی وحاکم معاونی طاهر حلمی افندی تعیین اولمشدر .

۲۵ شعبان سنه ۱۳۲۲ و ۶ تموز سنه ۱۳۳۰

محمد رشاد

عدلیہ ناظری
ابراہیم محمد سعید

تلیفات عمریه

عمریه نظارت جلید سنده نظیر اولنامه ۲۱ خیران سنه ۱۳۳۰ تاریخی تحریرات عمومیه صوریندر :

« قانون جزانک یوز الی بشنچی ماده سنه ذیل ثانی اولان ماده حقنده »

قانون جزانک یوز الی بشنچی ماده سنه ذیل ثانی اولق اوزره تنظیم و ترتیب ایدیلرک موقع مرعیتہ وضع اولنان ۲۲ مارت ۱۳۳۰ تاریخی قانون موقت احکامنک بعض محالرجه یا کلاش تلقی اولنهرق مأمورین علیهنه خلاف حقیقت اخباراتده بولانلرکده ماده مذکوریه توفیقاً جزالربنک تعیین اولنقده بولندیغی استخبار ایدلشددر . مذکور قانون موقت دوائر و مأمورین دولت حضورنده خلاف حقیقت اخبارات و بیاناتده بولانلرک ویا بوقیل شهادتنامه و تصدیقنامه و اوراق سائر اعطا ایلانلرک جزادن وارسته قالماملریغی

تأمین ایچون ترتیب و تنظیم ایدلمش اولمسنه و مأمورین دولت علمنه مخالف حقیقت اوله رق اخبارات و اسناداده بولنانلره کلنجه اسناد اولنان فعلک نوع و درجه سنه کوره حقلرنده ایکی یوز اون اوچنجی ماده قانونیه حکمنک تطبیق مقتضی بولمسنه کوره احوال مماثلده یا کلش معامله وقوعنه محل ویرلامسی تعمیماً توصیه و تبلیغ اولنور .

حکم تمیز مفراتی

حکم تمیز مفراتی

حکم تمیز مفراتی صادر اولانه ۲۴ مزیرانه سنه ۳۳۰ تاریخ ۴۹۱ نومردلی اعلام صورنبر :
« اراضی امیریه نك اذن مأمور اولمسنن وقوعبولان تقسیمی غیر معتبردر »

کوره له قضاسنک کوجک علی قریه سنده مقیمه لر دوکلی اوغل کریمه سی قالدین خانم ایله دوکلی اوغلی متوفی ابراهیم زوجیه سی وایتامی وصیه سی فاطمه خانم بینده متکون دعویه دائر طر بزون بدایت محکمه سنندن استیناف صفی و ۱۶ شباط سنه ۳۲۹ تاریخی ودرتیور طمنان برعددی ایله ویریلوب مزبوره قالدین خانم طرفندن تمیزاً تدقیق استدعا قلنان اعلام بدایت اعلامی اولان اعلام مستأنف به محندن جلب اولندقدن وباش مدعی عمومیلک مأموریت علیه سنک مطالعه نامه سی آلدقدن صکره طرفینک اعتراض وجواب لایحه لرله برابر بالمطالعه تدقیقات تمیزیه اجراسنه ابتدار قلندی .

اعلامین مذکورینک مندرجاته کوره : مزبوره قالدین خانم کوره له بدایر محکمه سنه باعوضحال مراجعتله کندوسیه برادری ابراهیمه پدرلرندن انتقال ایدن کوجک علی قریه سنده کائن معلوم الجودود اون برقطعه فندق بغچه سی ابراهیمک دخی وفاتیه حصه سی اوچ نفر صغیر اولادینه انتقال ایش و بصورتله مشترکاً تصرف داعی مضرت بولنش اولدینی جهته اراضی مذکورنک بین الورثه قضاء تقسیمی دعوی ایدرک اولصورتله استحصال ایلدیکی اعلامک عندالاستیناف مدعی عمومی حضوریه اجرا قلنان محاکمه و تدقیقاتی نتیجه سنده سالف الذکر فندق باغچه لرینک متوفی ابراهیمک حال حیاتنده مدعیه قالدین خانم ایله بالرضا تقسیمی اجرا اولنورق هریرینک حصه مصیبه سنه یدی سنه بالاستقلال تصرف ایده کلدکری اولباده ارانه اولنان مندرجاتی واستماع اولنوب سرأ وعلناً تزکیه لری اجرا قلنان شاهدلرک شهادتیه ثابت اولمسنه مبنی اعلام ابتدائینک فسخیه مدعیه قالدین خانمک مدعی علمها فاطمه خانم و وقوعبولان معارضه سنک منعه حکم وقرار ویرلیدی اکلشمشدر .

مستدعیه طرفندن ویریلان لایحه ده : عندالاستیناف مدعی علمها طرفندن اراضی مذکورنک صورتلرینک حال حیاتنده رضاء تقسیم اولدینی ناطق ابراز اولنان سندلرک ساخته اولدینی کبی تقسیم واقع اذن مأموره اقتران ایتدیکی جهته کائن لمیکن حکمنده ایکن محکمه جهه بوجهتلرک نظر دفته آلماسی یولسز و مغایر قانون اولدیندن بحثله اعلام مین بهک تقضی ولایحه جوابیه ده دخی غیر وارد اولان اعتراضات مذکورنک ردیه موافق اصول و قانون اولان مذکور اعلامک تصدیقی طلب واستدعا اولنش و آنف الیمان مطالعه نامه مالی ایسه لایحه تمیزیه ده درمیان اولنان اعتراضاتک وارد کورلیدیکی بیانندن عبارت بولمشدر .

ایجابی لدی المذاکره خصوص مدعی هر نه قدر برمنوال محرر حکم واعلامه ربط اولنش ایسه ده مدعی علمها منازع فیهک اولجه غیر رسمی اوله رق تقسیم اولدینی ادعا ایش اولدینجه کوره مدعا به باغچه لر و اراضینک ملک و یاراض میری اولدینک تحقیقه اراضی امیریه دن اولدینی تحقق ایلدیکی صورته اذن مأمور اولمسنن وقوعبولان تقسیم غیر معتبر اوله جغندن مدعی علمها نك تقسیم اولدینی بیانیه واقع اولان ادعاسنک ردینه قرار ویرلمک لازم کلور ایکن بوجهتندن ذهول اولنسی و ملک اولدینی ا کلاشلدینی تقدیرده اولباده کی تقسیم صحیح و معتبر ایسه ده مدعی علمها نك تقسیمی حاوی ابراز ایلدیکی غیر رسمی سندک مآلیله شهود مستمعه نك صورت افاده و شهادتلیر بیننده ماینت بولدینی جهته شایان قبول اولمادینی آشکار ایکن محکمه جهه قبول ایدلمسی یولسز و مغایر قانون اولدیندن اصول محاکمه حقوقیه قانوننک ایکوز اون ایکنجی ماده سی موجبجه اعلام مین بهک تقضیه ایکوز قرق دردنجی ماده سی حکمنه توقفاً کیفیتک بروجه مشروح بالرؤیه اعلامه ربطی ضمننده محکمه مذکوریه اعاده سنه و مصارف تمیزیه نك ایلروده حقسز حقیقه جق طرفه عائد اولمسنه ۲۴ حزیران سنه ۳۳۰ تاریخده متفقاً قرار ویرلیدی .

حکم تمیز مفراتی صادر اولانه ۱۲ مزیرانه سنه ۳۳۰ تاریخ ۵۸۷ نومردلی اعلام صورنبر :

« دعوی متقابله استدعا سنده مندرج پول تضمیناتی وچک بدلی دیو بهم صورته طلب اولنان قلملرک ماهیت و کیتی حقننده مدعی علمها نك ایضاحات آلتوب آکا کوره ایفای معامله اولنسی مقتضیدر »

ازمیر قصبه سنده یمین چارشوسنده کی اداره خانه سنده خرستودولو انستاشیادس افندی شرکتی ایله آیدین قصبه سنده مقیم تجارتدن علقو یورکیدس افندی میانه سنده متکون دعویه دائر آیدین استیناف محکمه سنندن ۲۶ شباط سنه ۳۲۹ تاریخی و یوز آلتش بش عددیه ویریلوب شرکت مذکور طرفندن تمیزاً تدقیق استدعا قلنان اعلام جلب اولنان اعلام ابتدائی و طرفینک اعتراض وجواب لایحه لرله برابر بالمطالعه تدقیقات تمیزیه اجراسنه ابتدار قلندی .

اعلام ابتدائی مذکورله اعلام مین بهدن هر ایکسینک مندرجاته نظراً مومی الیه علقو افندی باعوضحال ازمیر تجارت محکمه سنه مراجعتله یکرمی آلتی بیک غروش ثمن مدفوع مقابلنده مومی الیه خرستودولو

افندیدن مباحه ایتدیکی ایکی بیک قنطار پیرینه یی اولباده کی مقاوله نامه احکامنه توفیقاً وقت معینده بایع مومی الیه تسلیمدن امتناع ایلش و ایکنجی بر مقاوله نامه موجبنجه بدلی پشیناً اعطا اولمق اوزره کندیسنگ شرکت مذکوره بیع و فروخت ایتدیکی یدی بیک قنطار پیرینه بدلی استیفا ایدمه ماش و اصولاً پروتستو مراسمنی ده اجرا ایتدیرمش اولدیغندن بختله بونلردن ایکی بیک قنطار پیرینه نک بهر قنطاری ایچون تضمینات اوله رق طرفه اعطاسی مشروط اولان اوچر غروش ضمیمه مبلغ مدفوع مذکورک بالغ اولدیغی اوتوز ایکی بیک غروشک تحصیلی و ایکنجی مقاوله نامه احکامنک ابطالی طلب و دعوی و دعوی واقعیه متفرع برطاقم اوراق ابراز و اعطا ایتسنه قارشو مدعی علیه دخی اشبو دعوی ایکی قسمه منقسم اولوب بناء علیه کندوسی ایکی بیک قنطارلق پیرینه یی مدعی علیه دکل ، آیدنده حاجی دیمو نامنده برذاته صاتمیش و فقط بوذات کندوسی طانیادیغی جهته مدعی طرفندن کندوسی نامه صاتمیش اولسی حسیله برنجی قسم اعدادن طولای مدعینک حصومتی توجه ایتیه جکئی و مدعینک صاندیغی پیرینه بدلی کندوسندن کاملاً استیفا ایلش اولدیغندن ایکنجی قسم ادعاسنک ردی لازم کله جکئی افاده و انبا ایل برابری کندوسنک مدعی ذمتنده پول تضمیناتی وچک و ایجار بدلرندن متباقی اولمق اوزره اوچ یوز طقسان لیرا الاجنی بولندیغندن و مدعی به ثمن میعه محسوباً یدی یوز لیرالق چک اعطا ایلدیکندن بالبحث بوباره نکرده مدعینک تحصیلی ضمتنده دیگر دعوی ایله توحیدی طلبی متضمن اوله رق برقطعه دعوی متقابله عرضحالی اعطا و مدعیده اقامتکاهی آیدنده بولندیغی جهته عرضحال مذکورک صلاحیت نقطه سندن ردی اقتضا ایدمه جکی یولنده سرد مدعا ایللری اوزرینه محکمه جه مدعی عمومی حضوریه خصوصیت و صلاحیت مسئله لری حل اولدقدن صکره مدعی علیه مقابله ادعا ایتدیکی مواددن یدی یوز لیرالق چکه متعلق قسمنک دعوی واقعیه ایله توحیداً رؤیتی و اقسام سائرته نک محکمه عاذه سنه مراجعتده مختار اولمق اوزره ردی قرارگیر اوله رق اولوجهله جریان ایدن محاکمه و تدقیقات نتیجه سنه مباحوث عنه چکک اولباده کی مقاوله نامه به جهت تعلق اولمادیغی اوراق مبرزه میاننده کی مکتوب مندرجاتندن اکلشلمش ومع هذا مقابله در میان ایدیلان مدافعات محکمه جه متخذ مقرراتی تبدیل و تفسیره غیر کافی بولمش و مدعی علیه برنجی قسم دعوی اصلیه حقنده برکونا مدافعه سرد ایتامش و ایکنجی قسم دعوان طولای حق تخلیف استینافه تعلیق ایتمش اولدیغندن مدعی علیه بوباده مدافعه و مقابله سرد و اتیان ایلش اولدیغی بالجمله مدعیاتنک ردیه مدعابه اوتوز ایکی بیک غروشک مدعی علیه بولمیش بالتحصیل مدعی به اعطاسنه و ایکنجی مقاوله نامه نک ابطال احکامنه دائر صادر اولان اعلامک عندالاستیناف تصدیقه حکم و قرار ویرلیدی اکلشلمشدر .

مستدعی تمیز طرفندن ویریلان لایحه ده دعوی واقعیه قارشو مقابله واقع اولان طلب و ادعای توحیداً تدقیق ایدمک لازم کلور ایکن صورت مشروحه دائره سنه اتخاذ قرار اولمسی یولسز ایدوکنندن و افادات سائرده دن بختله اعلامک نقضی و لایحه جوابیه ده دخی اعلام مذکورک تصدیق طلب و استدعا ایدلمشدر .

ایجاب کیفیت مذاکره اولدقدن خصوص مدعی هر نه قدر بروج مشروح حکم و قراره ربط اولمش ایسه ده اول برنجی قسم دعوانک منشای اولان ایکی بیک قنطار پیرینه نک بیع و شرا مقاوله سنی مدعی قومیسونجی صفتیه و موکالی و مدعی علیه شرکت حساب و منفعتنه عقد ایتدیکی مبرز اوراق مطالعه سیله تحقق ایتکله میبعک دیویه وقت وزمانیه تسلیم ایدیه مامسندن طولای بهر قنطاری ایچون بر موجب مقاوله نامه اوچ غروش تضمینات اعطاسنه دیویه قارشو مدعی محکوم اولمادقه کندوسی بیعه توکیل ایتمش اولان مدعی علیه بالرجوع تضمینات مذکورنک ایفاسنی طلب ایدمه جکی و مدعی طرفندن دیویه تسلیم ایدیلان میبعک مدعی علیه کندی کندو مانندن ویرلیدیکی اثباته و اثباتدن اظهار عجز ایتدیکی تقدیرده بوباده مدعی به بریمین تکلیفه حق درکار ایکن بوجهلر نظر دفته آلمیه رق ثمن میبع اولان یکریمی آتی بیک غروشله آتی بیک غروش تضمیناتک مدعی علیه بولمیش حکم اولمسی ثانیاً کرچه ایکنجی قسم دعوانک مستند اولدیغی یدی بیک قنطار پیرینه بیعه نامه سننده ثمن میبع اولان ایتمش سکز بیک ایکی یوز الی غروشک کندو طرفندن قبض ایدلیدیکنه دائر اولان اقرارنده مدعینک کاذب اولدیغی ویدی یوز لیرالق چکک بومعامله به تعلق اولدیغی و ثمن میعه محسوباً ویرلیدیکی مبرز اوراق مآلندن اکلشلمقده ایسه ده مدعی علیه هر حالده کندوسندن بروج بالا طالب اولان یکریمی آتی بیک غروش تقاض و محسوبی اجرا ایدمک اوزره مار الذکر یدی یوز لیرالق چکدن طولای کندوسنک دخی مدعی ذمتنده آلاجنی اولدیغی اثباته و اثبات ایدمه منر ایسه بریمین تکلیفه حق ظاهر بولندیغی حالده بوندن دخی بالذهول مدعی علیه بوباده کی اثبات حقندن سقوطنه قرار ویرلمسی ثالثاً مدعی علیه دعوی متقابله استدعاسنده مندرج پول تضمیناتی وچک بدلی دیو مهم صورتده طلب اولنان قلملرک ماهیت و کمی حقنده مدعی علیه بولمیش ایضاحات آلتوب ثبوتی حالده مدعینک طلبنه قارشو تقاضی و محسوبی اجرا قلمق ایچون دعوی اصلیه ایل برابری استماع و تدقیق لازمده دن ایکن بوقلملره متدائر دعوانک مرجعنده اقامه حق محفوظ قالمق صورتیه رد ایدلمسی مغایر اصول و قانون اولدیغندن اصول محاکمه حقوقیه قانوننک ایکی یوز اوتوز ایکنجی و ایکی یوز قرق برنجی ماده لری موجبنجه اعلامک نقضیه هر ایکی طرفندن مبرز اوراق ثبوتیه زیرنده کی امضالر حقنده طرفندن صورت صریحه ده ایضاحات آلنه رق مارالذکر شرائط دائره سننده اکل محاکمه اولمق اوزره کیفیتک محکمه مذکوره به اعاده سنه و مصارف تمیزیته نک ایلروده حقسنر حقیقه جق طرفه عاذه اولسنه ۲ حزیران ۳۳۰ تاریخنده متفقاً قرار ویرلیدی .

محکمہ تمیز حقوقه دائره سنه صادر اولان ۸ مایس سنه ۳۲۹ تاریخ و ۳۰۶۲ نومرولی اعلام صورتیدر :

« میان کوکی محصولنک اراضیه تبعاً اجاره ده داخل اولدیغی عرف و عادت

و تعامل اقتضاسندندر »

خراسان اوقاف اداره سیله خراسان قضاسنه ماحق هویدر قریه سننده مکی ملاکندن صالح اغا زاده

عبدالعزیز افندی بیننده متحدث دعوايه دائر خراسان بدایت حقوق محکمه سنك ٩ تشرین اول سنه ٣٢٩ تاریخی و قرق ایکی عددیه ویریلن اعلام باش مدعی عمومیک مأموریت علیه سندن معامله نامه سی التقدن صکره طرفینک اعتراض و جواب لایحه لرله بالمطالعه تدقیقات تمیزیه اجراسنه ابتدار اولندی.

اعلام مذکور مندرجاتنه نظراً مدعی عبدالعزیز افدینک محکمه مذکوریه باعرض حال مراجعتله اوچیز یکریمی یدی سنه سندن اعتباراً اوچ سنه مدت و سنوی التمش سکز بیک اوچیز اوتوز درت غروش بدل ایله خراسان اوقاف اداره سندن استیجار ایتدیکی امام اعظم حضرتلری اوقافدن خویلی و نهر الامام اراضیلرنده کی خدایی ثابت میان کوکی عرف و عادت و تعامل سابقی وجهله مأجوره تبعاً بلا استثناء صفه واحده ایله ایجار ایلدیکی حلاله اداره مذکور میان کوکی محصولک اجاره ده داخل اولمادیغی بیانیله آروجه طالبه حاله ایلکده و مذکور محصول سنوی یوزلیرا ایراد کتیر مکده اولدیغندن یا مأمور مومی الیهک منع معارضه سی و یا عدم قبولی حالنده میان کوکی بدلی اوله رق سنوی یوز لیرادن اوچ سنه ک اوچیز لیرانک اصل اجاره دن تنزیلی حقنده اقامه ایلدیکی دعوانک مدعی عمومی حضوریه غیاباً جریان ایدن محاکمه و تدقیقاتی نتیجه سنده مدعینک ادعاسی مقاولات محرر لکنندن مصدق التزام سندینه ولدی الاستعلام خراسان اوقاف اداره سندن کوندریلن تذکره جوابیه ایله ملفوفی اولوب قضای مذکور مجلس اداره سندن مصدق بولنان مراد قائمه سنه مستند اولدینی کی تعامل سابقکده او مرکزده اولدینی اولابده استماع اولنوب لدی التزکیه عدل و مقبول الشهاده اولدقلری تبین ایدن شاهدانک شهادتیه ثابت اولسنه بناءً مدعی علیهک مذکور میان کوکندن طولانی مدعی به قارشو معارضه واقعه سنک منعه حکم و قرار ویرلدیکی اکلاشلمشدر.

مستدعی طرفندن ویریلن لایحه ده مدعی ادعاسی تردید ایلدیکی و بوده مدعا به ده جهالتی مستلزم اولدینی حالده ترجیح مطلوبه دائر دلیل یوق ایکن دعوانک قبول ایدلسی و تعامل سابقک دخی مدعا بهک داخل ایجار اولسی زمیننده بولندیغنه دائر مدعیدن بینه طلب اولنسی نفس الامر مخالف اولدینی و مدعا به میان کوکی اعیان اولوب اجاره ده بالذات و بالتبع معقود علیه اوله مایه جنی درکار ایکن بوجهتلر تأمل ایتمکسزین برمنوال محرر قرار ویرلسی یولسز و مغایر قانون اولدیغندن بخله اعلامک نقضی و لایحه جوابیه ده دخی غیر وارد اولان اعتراضات مسرووده نک ردیه موافق اصول و قانون بولنان اعلامک تصدیق طلب و استدعا اولنش و انف الیابن مطالعه نامه مفادی ایسه لایحه تمیزیه سرد اولنان اعتراضات احکام قانونیه و مندرجات اعلامه نظراً غیر وارد اولدینی بیانندن عبارتدر.

ایجابی مذاکره اولدقده هر نه قدر مستدعی طرفندن بروجه بالا اعتراضاته مستنداً اعلام میز بهک نقضی طلب اولنقده ایسه ده اعلام مذکورک نتیجه مفادی مأجور اراضیده خدایی ثابت اولوب مدعی ایله مدعی علیه بیننده منازع فیه اولان میان کوکی محصولک اراضیه تبعاً اجاره ده داخل اولدینی مقاولات محرر لکنندن مصدق التزام سندی ایله محلی مجلس اداره سندن مصدق مراد قائمه سنه مستند اولدینی کی عرف و عادت

و تعامل سابقک دخی بومر کزده بولندیغی شهود مستعنه عدله شهادتیه ثابت اولسنه بناءً مدعی علیه محلی اوقاف اداره سنک محصول مدعا بهدن طولانی معارضه واقعه سنک منعه حکمدن عبارت اولسنه کوره حکم مذکور اسباب موجبیه مستند و موافق اصول و قانون اولوب مستدعینک سالف الذکر اعتراضاتی وارد و نقض حکمی مستلزم کوریه مدیکندن ردیه اصول محاکمه حقوقیه قانونک ایکی یوز قرق دردنچی ماده سی حکمنه توفیقاً اعلام مذکورک تصدیقه وزیرده مفردات و معطیس کوستریلن مصارف تمیزیه نک مستدعی تمیزه عائد اولسنه ٨ هائیس سنه ٣٣٠ تاریخده اکثریتله قرار ویرلدی.

محکم تمیز مقرومه دائره مندره صادر اولاره ١٥ نیسان سنه ٣٣٠ تاریخی و ٢٥٧ نومردی اعلام صورتیبر:

« میز لک راپورنده مبلغ مدعا بهک متوفانک ذمتنه نه صورتله کچدیکی و نه جنس آقچه اولدینی کسدر یله مدیکی بیان قلندیغنه مبنی اشبو مبلغک نه صورتله اثبات ایده چکی مدعیدن سؤال اولنوب آکا کوره ایفای معامله اولنسی لزومنه دائر »

بولی سنجاغی دفتر خاقانی اداره سیله دوزجه قصبه سنک شرفیه محله سنده مقیمون دوزجه طاپو کاتب اسبق متوفی محمد افندی ورثه سندن مخدومی متوفی احمد افدینک ورثه سنک وصیسی والدملری خدیجه و کیره کریمه سی امینه و متوفای مرقوم محمدک زوجه لری حنیفه و صفیه و کریمه سی فاطمه نک و صیلری و حنیفه نک ورثه کبارندن مخدومی جمال و دیگر کریمه سی اسما خانملر میانه سنده متکون دعوایه دائر لواء مذکور بدایت محکمه سندن استیناف صفی و ٢١ مایس ١٣٢٨ تاریخی و یوز قرق سکز عددیه ویریلوب اداره مذکور و کیلی طرفندن تمیزاً تدقیق استدعا قلنان اعلام باش مدعی عمومیک مأموریت علیه سنک مطالعه نامه سی آلتقدن صکره یالکیز مستدعینک لایحه اعتراضیه سیله بالمطالعه تدقیقات تمیزیه اجراسنه ابتدار اولندی.

اعلام مذکورک مندرجاتنه نظراً وکیل مومی الیهک موکلی اداره مزبوریه اضافتله متوفای مومی الیه محمد افدینک حال حیاتنده کتابت مذکورده بولندیغی صیراده اموال امیریه دن ذمتنه کچوردیکی یدی بیک یوز آلتمش آلتی غروشک ترکه متوفایه اضافه ورثه مومی الیهمدن تحصیل حقنده اقامه ایتدیکی دعوی اوزرینه مبلغ مدعا بهدن آنحق بیک آلتی یوز یکریمی آلتی غروشک تحویلنه و ماعداسندن معارضه سنک منعه دائر دوزجه بدایت محکمه سندن صادر اولان اعلامک عند الاستیناف مدعی عمومی حضوریه بالتدقیق بعض اسباب قانونیه به بناءً فسخی و کیفیتک میز لره حواله سی قرار کیر اولدقندن صکره غیاباً جریان ایدن محاکمه و تدقیقات نتیجه سنده هیئت میزه طرفندن معطی راپور مندرجاتنه نظراً اساس مدعا به متوفای مومی الیهک دینی اوله رق تحقق ایتدیرلمش و آنحق تحصیلاتدن بیک اوچیز یتش آلتی و عائدات اوله بق فضلہ مأخوذی بولنان بیک آلتی یوز قرق ایکی وزیر افندی نام کسه به عائد اولوب مکرر تأدیات کوستریلان درت یوز و علم و خبر آثمائی اولان ایکی یوز الی غروش که جمعاً اوچ بیک آلتی یوز التمش سکز غروش

متوفای مومی الیهک ذمتی اولدینی تظاهر ایتیش اولدیغندن یالکز بو پاره‌نک تحصیلنه و کتاغاج محلولندن اولوب کاتب مومی الیهک ذمتده قالدینی درمیان اولنان اوچ بیک بشیوز غروش سکه‌ک خالصه اولوق لازم کلیرکن تحویلات اوله‌رق تسلیم صندوق ایداش اولسندن طولانی طلب ایدلمکده اولوب بو جهت ایسه ثابت اوله‌مامش و مبلغ مذکورده تحویلات اوله‌رق تسلیم صندوق ایداش بولمسنه بناءً ادارهً مبحوثة‌نک بو بابده‌کی ادعاسنک ردینه حکم و قرار ویرلدیکی ا کلاشلمشدر .

مستدعی تمیز طرفندن ویریلن لایحه‌ده اساس مدعاهک طقوز یوز اوتوز غروشی محلول بدلی اولان اوچ بیک بشیوز غروشدن غیر از ارسالات موجود صندوق اوله‌رق بقیه‌سی اولان تحویلاتدن و آلتی بیک ایکی یوز اوتوز سکنز غروشک نقد قسمندن متوفانک ذمتی متین اولدینی حالده اشبو طقوز یوز کسور غروش حقنده برقرار اتخاذاولنامسی مغایر قانون اولدیغندن بحاله اعلامک تقضی استدعا ایدلش و مطالعه‌نامه مفادی‌ده کتاغاج محلول بدلی اوله‌رق طلب ایدیلان اوچ بیک بشیوز غروشک نه صورتله ذمته کچدیکی و نه جنس اچقه اولدینی کسدریله‌مدیکی سالف الذکر راپورده محرر بولمسنه کوره بو جهت استیضاح ایدلمک لازم کلور ایکن بونک تحویلات اوله‌رق طلب ایدلش و مرتبهً ثبوت و ارامامش اولدینی بیانیله بو قسم ادعانک ردینه قرار ویرلمسی یولسز ایدوکی مرکزنده بولمشدر .

ایجاب کیفیت مذاکره اولندقدن اعلام مذکور مندرجاتندن منظم اولدینی اوزره استیناف محکمه‌سنجه اساساً مدعی علیه حقنده بولنان مستأنف علیهم حقنده غیاباً محاکمه‌یه بالشروع بدایت اعلامی فسخ اولندقدن صکره رؤیت حساب ضمنتده تعیین اولنان ممیزلرک راپورنده مدعابه‌یدی بیک یوز التمش سکنز غروش کسب ثبوت ایتیش ایسه‌ده محلول بدلی اولان متباقی اوچ بیک بشیوز غروشک نه صورتله متوفانک ذمتنه کچدیکی و نه جنس اچقه اولدینی کسدریله‌مدیکی بیان قلندیغنه مبنی راپورک قرائتدن صکره مارالذکر اوچ بیک بشیوز غروش حقنده‌کی قسم دعواسنی نه صورتله اثبات ایده‌جکی و اثباتدن اظهار عجز ایتدیکی تقدیرده طالب تحلیف اولوب اولمادینی مدعی و مستأنفدن سؤال اولمق و طالب تحلیف اولدینی حالده مدعی علیه صفتده بولنان مستأنف علیهم عندالاعتراض عدم‌علمه یمندن نکولرینه‌تعلیقاً مبلغ مدعاهک تمامنک تحصیلنه غیاباً حکم ایدلمک لازم کلور ایکن بوندن ذهول ایله راپورک قرائتدن صکره مدعی عمومینک مطالعه‌سی آلهرق همان محاکمه‌یه ختام و اوچ بیک بشیوز غروش حقنده‌کی دعوانک ردیه یالکز اوچ بیک غروش الی یوز التمش سکنز غروشک تحصیلنه قرار ویرلمسی مخالف اصول و قانون اولدیغندن اصول محاکمه حقوقیه قانوننک ایکی یوز اوتوز ایکنجی و ایکی یوز قرق برنجی ماده‌لری احکامنه توفیقاً اعلام مذکورک تفضیه قانون مزبورک ایکی یوز قرق درنجی ماده‌سی موجبجه کیفیتک تکرار بالرؤیه اعلامه ربطی حالنده محکمه مذکوریه اعاده‌سنه و مصارف تمیزیه‌نک ایلروده حقسنز چیه‌جق طرفه‌عاند اولسنه ۱۵ نیشان ۱۳۳۰ تاریخنده متفقاً قرار ویرلدی .

حکمه تمیز حقوقه رارمسنه نه صادر اولاره ۲۷ مابسی سنه ۳۳۰ تاریخی ۷۱۸ نومردی اعظم صورنیمر :
«تدقیقات تمیزیه اجرایی ممکن اولیه‌جق صورتده اعلام تنظیم اولمسی موجب نقضدر»

بغداده تابع جزیره قضا‌سنده مقیم عجیل بک ایله سوق‌العجمی محله‌سنده ساکن سید سلوم بیننده متکون دعوایه دائر بغداد بدایت محکمه‌سندن تجارت صفتی و ۷ کانون اول ۳۲۹ تاریخی و یوز التمش یدی عددیه ویریلوب مومی الیه عجیل بک طرفندن تمیزاً تدقیقی استدعا قلنان اعلام طرفینک اعتراض و جواب لایحه‌لریله بالمطالعہ تدقیقات تمیزیه اجراسنه ابتدار قلندی

اعلام مذکور مندرجاتنه نظراً مزبور سید سلوم محکمه مذکوریه باعرضحال مراجعتله ذراعندن مومی الیه عجیل بکدن اشترا و ائمانی نقداً کندوسنه تسلیم ایتدیکی بهر تغاری بیک الی یوز استانبول قیه‌سندن عبارت اولان اوتوز اوچ تغار شعیرک زمان تسلیمی مرور ایتسندن طولانی لزوم‌تسلیمی وعکس حالده بهر تغاری اون اوچ لیرادن اوتوز اوچ تغارک فیأت مذکوره اوزرندن طوتاری اولان اوچ یوز طقسان الی لیرانک تضمین ایتدیریه‌جکی حقنده مقاولات محررلکی واسطه‌سیله کندوسنه تبلیغات اجرا ایتدیکی حالده اصفا ایتدیکندن مبلغ مذکورک مومی الیه‌دن تحصیلنی طلب و دعوی ایتسنه قارشو مدعی علیه دخی اولباده‌کی مقاوله‌نامه ایله مدعی طرفندن ابراز اولنان مکتوبی اقرارایله انحق مدعینک قبضه صلاحیتدار اولان شریکی جزیره‌ده مقیم سید محمودله عقد ایتدیکی مقاوله اوزرینه مدعابه شعیری مرقومه تسلیم ایتدیکی بیان و انبا ایلمسی اوزرینه اجرا قلنان محاکمه و تدقیقات نتیجه‌سنده مزبور سید محمود شریکی اولدیغنه و اوتوز اوچ تغار شعیری تسلیم ایتدیکسنه دائر مدعی علیه طرفندن تکلیف اولنان یمینی مدعینک قبول و اجرا ایلمسنه و بهر تغار شعیرک فیأتی حال حاضر پیاسه‌سنه نظراً اون ایکی یوز لیرا اولدینی لدی الاستعلام محلی تجارت او طه‌سندن کوندربان تذکره جوابیه‌ده بیلدیرلش اولمسنه مبنی مدعاه‌دن اون الی یوز لیرانک تزیایله اوتوز اوچ تغار شعیرک بر موجب اقرار عیناً و یابدلی اولان اوچ یوز تیش طقوز یوز عثمانی لیراسنک نقداً مدعی علیه‌دن بالتحصیل مدعی‌یه اعطاسنه حکم و قرار ویرلدیکی ا کلاشلمشدر مستدعی طرفندن ویریلن لایحه‌ده عقدیبی متضمن ابراز اولنان سندک و مدعی طرفندن اقرار اولنان مکتوبلرک عیناً و یا خلاصهً اعلامه‌درج و تصریح ایدلمه‌سی و مدعابه شعیرک مدعینک قبضه مأذون شریکی سید محموده تسلیم ایدلرکنی شهود شخصیه ایله اثبات ایده‌جکی حقیقه‌ده عندالحاکمه درمیان ایلدیکی اعتراضاتک نظراً اعتباره‌النمائی و طرفینک مدعیات و مدافعاتندن هر برینک نه‌کی اسبابه مبنی ردویا قبول اولندیغنک درج اولنامسی یولسز و مغایر قانون اولدیغندن بحاله اعلامک تصدیق تقضی و لایحهً جوابیه‌ده دخی اعتراضات مسروده‌نک ردیه موافق اصول و قانون بولنان اعلامک تصدیق طلب و استدعا اولمشدر .

ایجابی مذاکره اولندقدن دعوای واقعه هر نه قدر برمنوال محرر حکم و قراره ربط اولنش ایسه‌ده طرفین

متخاصمینک ادعا ومدافعہ لرینک اثباتی ضمنندہ اثباتی محاکمہ ابراز ایتدکاری اوراقلک اعلام ممیزہ درجیلہ ہر ایک طرفک دعوی ودفعلری اوراق ثبوتیہ مبرزہ نک ہانکی فقرہ لرینہ بنا ایتدکاری آری آری استیضاح اولہ رق رد وقبولی حقندہ اسباب موجبہ بیانیہ قرار اتخادی لازم کلورایکن بوندن ذہول اولہ رق تعاطی اولنان لایحہ لر ایلہ مبرز اوراق ثبوتیہ نک عیناً ویا خلاصہ درجندن صرف نظر اولنوب یالکز نوعلرینک ذکریلہ اکتفا وبوصورتلہ حقندہ تدقیقات تمیزہ اجرایی ممکن اولیہ جق صورتدہ اعلام تنظیم اولنسی مخالف قانون اولدیغندن اصول محاکمہ حقوقیہ قانوننک ایکی یوز اوتوز ایکنجی مادہ سی موجبہ اعلام مذکورک تقضیلہ قانون مزبورک ایکی یوز قرق دردنجی مادہ سی فقرہ ثانیہ سی حکمہ توفیقاً کیفیتک صورت مشروحہ دائرہ سندہ بالرؤیہ اعلامہ ربطی ضمنندہ محکمہ مذکورہ اعادہ سنہ وزیردہ مفردات ومعطسی محرر مصارف تمیزیلہ نک ایلرودہ حقسنر چیقہ جق طرفہ عائد اولسنہ ۲۷ مایس ۳۳۰ تاریخندہ متفقاً قرار ویرلدی .

محکمہ تمیز جزا دائرہ سی مقرراتی

محکمہ تمیز جزا دائرہ سندہ صادر اولادہ ۸ نیسانہ سنہ ۳۳۰ تاریخی و ۴۸۸ نومرولی اعلام صورتیدر:

« متهمك حرکتنده کوریلان اسباب مخففه تقدیریه نک مجرمیت قرارندہ دخی موضوع بحث ایدلسی مقتضیدر »

قرہ حصار صاحب سنجانی بدایت محکمہ سی جزا دائرہ سنک صادر اولان ۱۵ ربیع الآخر سنہ ۳۳۲ و ۲۸ شباط سنہ ۳۲۹ تاریخی وائمش و یوز الی ایکی نومرولری حاوی ایکی قطعہ اعلام ایلہ متفرعاتی باش مدعی عمومیلک مأموریت علیہ سنک نقض طلبنی متضمن ۱۹ جادی الاول سنہ ۳۳۲ و ۲ نیسان سنہ ۳۳۰ تاریخی ودرتیوز سکسان نومرولی تبلیغنامہ ایلہ محکمہ تمیز جزا دائرہ سنہ اعطا قلمشدر. مذکور اعلاملردن التمش نومرولی اعلام خلاصہ مالی. اوچیوزیکرمی سکر سنہ سی ایلوانک ایکنجی بازار کونی یکدیگری قتل قصدیلہ جرح ایلدکاری ادعا قلمسندن طولای جنایتلہ اتهام اولنان دینار قضاسنک طوتلیجہ قریہ سندن امام اوغلی نام دیگر چاقر اوغلی مصطفی بن علی وفراری چاقر اوغلی جنوار مصطفانک اجرا قلنان محاکمہ وجاهیہ وغیابیہ لری نتیجہ سندہ متهمان مرقوماندن جنوار مصطفانک چاقر اوغلی مصطفی بن علی یی مرقوم مصطفانک دخی سلاح انداختیلہ ارایہ کیرن جنوار عثمانی قتل قصدیلہ جرح ایلدکاری دلائل وامارات قانونیہ ایلہ ثابت اولدیغندن مجرمیتلرینہ وحرکتلرینہ توافق ایدن جزانک قرق التنجی مادہ سی دلائیلہ یوزیتمش دردنجی مادہ سنہ تطبیقاً قتل فعلی ایچون معین اولان اون بش سنہ کورک جزاسنک نصفی بولنان یدیشر یچق سنہ مدتله کورک قونلرینہ وبونلردن چاقر اوغلی مصطفانک فعلندہ کوریلان اسباب مخففہ یہ بناء قانون مذکورک

قرق یدنجی مادہ سی موجبہ مذکوریدی یچق سنہ کورک جزاسنک اوچ سنہ قلعہ بندلکہ تحویلہ ۵ حزیران سنہ ۳۲۹ تاریخندہ حکم اولندیی و یوز الی ایکی نومرولی اعلامک مندرجاتی دخی : غیاباً محکوم بولنان مرقوم جنوار مصطفانک اخیراً در دست ایدلسی اوزرینہ اجرا قلنان محکمہ وجاهیہ سی نتیجہ سندہ متهم مرقومک بروجہ ادعا قتل قصدیلہ جرح مذکورہ جرأت ودلائل وامارات قانونیہ ایلہ ثابت اولدیغندن مجرمیتلہ وحرکتلہ توافق ایدن جزانک قرق التنجی مادہ سی دلائیلہ یوزیتمش دردنجی اسباب مخففہ و تقدیریه نک موجودیتلہ مبنی قرق یدنجی مادہ لرینہ تطبیقاً وتنزلاً تعین اولنان یدیی یچق سنہ کورک جزاسنک درت سنہ مدتله قلعہ بندلکہ تحویلہ ۱۳ تشرین اول سنہ ۳۲۹ تاریخندہ قرار ویرلدیکی محتوی بولمتشدر .

اوراق دعوی بعدالمطالعہ تدقیقات تمیزہ اجرا اولندقدہ: تبلیغنامہ دخی بیان اولندیی وجهلہ ہر ایک متهمك حرکتنده کوریلان اسباب مخففه تقدیریه نک مجرمیت قرارندہ دخی موضوع بحث ایدلسی قانوناً مقتضی ایکن یالکز تعین جزا قرارندہ ذکر ایدلسی مخالف اصول وقانون بولنش اولغلہ اصول محاکمات جزائیہ قانوننک اوچیوز اون دردنجی مادہ سنہ توفیقاً ہر ایک اعلامک بر موجب طلب نقضہ واحکام قانونیہ دائرہ سندہ ایفای معاملہ اولتمق اوزرہ اوراقلک محملہ اعادہ سی ودرتیوز غروش اعلام خرجنک ایلرودہ حقسنر چیقاجق طرفدن تحصیلانہ ۸ نیسان سنہ ۳۳۰ تاریخندہ متفقاً قرار ویرلدی .

محکمہ تمیز جزا دائرہ سندہ صادر اولادہ ۲۳ خبریہ سنہ ۳۳۰ تاریخی و ۱۸۶۰ نومرولی اعلام صورتیدر:

« وکیل مدافعك كافة مدافعانك قرار مخلصه اجوبه ردیه سنک ارانیہ سی لزومہ رعایت اولنامش اولسی موجب نقضدر »

سیوہ رک سنجانی بدایت محکمہ سی جزا دائرہ سندن صادر اولان ۲۵ جادی الاول ۳۳۲ و ۷ نیسان ۳۳۰ تاریخی و بکرمی ایکی نومرولی اعلام ایلہ اوراق متفرعہ سی باش مدعی عمومیلک مأموریت علیہ سندن ۲۱ رجب ۳۳۲ و ۲ حزیران ۳۳۰ تاریخی و بیسک بش یوز اتمش اچ نومرولی تبلیغنامہ ایلہ محکمہ تمیز جزا دائرہ سنہ اعطا قلمشدر.

اعلام مذکورک خلاصہ مالی اوچیوزیکرمی التی سنہ سی نیسانی طرفندہ جرمیکک کازہ قریہ سندن علوش بوزو ورفقاسنک حیوان واشیالرینی اخذ وغضب ایتک مادہ سندن دولای جنایتلہ متهم وغیاباً محکوم بولنان اشخاصدن زیار قریہ لی حسن بکزونک در دست ایدلسی اوزرینہ وجاهاً اجرا قلنان محاکمہ علیہ سی نتیجہ سندہ متهم مرقومک غیاباً محکوم بولنان رفقاسیلہ برلکدہ معاملہ جبر و شدت اجرا سیلہ سرقت مذکورہ یہ جرأتی شہادات واقعہ ودلائل سائرہ ایلہ ثابت اولدیغندن اولوجلہ مجرمیتلہ وحرکتلہ توافق ایدن قانون جزانک ایکی یوزیکرمی برنجی مادہ سنہ توفیقاً اوچ مدتله کورک قونلرینہ ۳ تموز ۳۲۹ تاریخندہ حکم اولدیغندن عبارتدر.

تبليغنامه ده دخی شاهدلردن علی بن هندونك محل اقامتی مجهول اولمندن ناشی استماعندن صرف نظر ایدلیدی اونیجی قسم محاکمه ده مندرج اولدینی دانی تعقیب ایدن ایکی قسم محاکمه ده مرقومك افاده سنك قرائته دائر برقرار سبق ایتمدیکی حالده مجرمیت قرارنده مذکور افاده نك قرائت ایدلیدیکندن بمثله اخبارینك حکمه اساس اتخاذا ایدلش اولمسی و وکیل مدافعك برائت حقنده درمیان ایدلیدی مدافعات محکمه جه شایان قبول کورلیدیکی تقدیرده قرار محلنده اجوبه ردیه سنك کوسترلمسی لزومندن ذهول ایدلمسی مغایر قانون اولدیغندن بمثله اعلام مذکورك نقضی طلب اولمشدر.

اوراق دعوی مطالعه اولندقدن صوکره تدقیقات تمیزیه اجرا اولندقدن تبليغنامه ده شاهدلردن علی بن هندونك استماعنده صرف نظر اولدینی کوسترلمش و افاده سنك قرائته دائر برقرار سبق ایتماش ایکن مجرمیت قرارنده مرقومك افاده سنك قرائت اولدیغندن بمثله حکمه اساس اتخاذا ایدلیدیکنه دائر درمیان اولنان اعتراض مندرجات ضبطنامه و اعلامه نظراً وارد اولدینی کبی وکیل مدافعك کافه مدافعاتنك قرار محلنده اجوبه ردیه سنك اراءه سی لزومنه رعایت اولنماش اولمسی اعتباریه جهت مذکوره تعلق ایدن اعتراض دخی وارد و بجا بولنش اولدیغندن اعلام مذکورك اصول محاکات جزایه قانوننك اوچوز اون دردیجی ماده سی حکمنه توفیقاً نقضنه واحکام قانونیه دائره سنده ایفای معامله اولنق اوزره اوراقنك محله اعاده سنه و درت یوز غروش نقض خرجنك ایلروده حقسز حقیقه جق طرفدن تحصیلنه ۹۳۳۰ حزیران ۳۳۰ تاریخنده متفقاً قرار ویرلیدی.

محکمہ نمین جزا دائره مندره صادر اولده ۲۴ غربانه سنه ۳۳۰ تاریخنی و ۱۸۷۹ نومردلی اعلام صورینده:

« مجرمیت قرارلرینك اکثریت ثلثان آرا ايله اتخاذا لزومندن ذهول ایدلمسی موجب نقضدر »

گرك سنجاغی بدایت محکمه سی جزا دائره سنندن صادر اولان ۵ کانون اول ۱۳۲۹ تاریخنی و اوچوز یتمش اوچ نومردلی اعلامك حکم جنائی جهتی رأساً تابع تمیز اولدیغندن جنجه مظنونلردن ابراهیمه متعلق جهتك دخی تمیزاً تدقیقی حقنده محکمه مذکوره مدعی عمومی معاونلکندن معطی استدعائنامه ايله لایحه تمیزیه و اوراق متعلقه سی باش مدعی عمومیلک مأموریت علیه سنك ۱۶ رجب ۳۳۲ و ۲۸ مایس ۳۳۰ تاریخنی و بیک درتیوز الی سکنز نومردلی تبليغنامه سیله محکمه تمیز جزا دائره سنه اعطا قلنش و مدت قانونیه سی ظرفنده ویرلیدیکی اکلایشلان مذکور استدعائنامه قبول ایدلش اولقله مطالعه اولندی .

اعلام مذکورك خلاصه مالی : اوچوز یکرمی سکنز سنه سی کانون اولنك یکرمی یدنجی پنچشنبه کونی زیود عشرتندن عبدالرحمن بن ابراهیم الشعاری ضرب و جرح ايله تعطیل عضوینه سبب اولقدن ناشی جنایتله اتهام اولنان بکر بن موجانك جنجه ايله لزوم محاکمه لرینه قرار ویریلن ابراهیم دریس و خزاع بن

مکید ايله برابر اجرا قلنان محاکمه علیه لری نتیجه سنده متهم مرقومك مدعی عبدالرحمنی متعدد محللردن جرح ایدمرك جبراً اوکوزلرینی آلمغه تشبث ایلدیکی شهادات واقعه و دلائل و امارات سائر ايله ثابت اولدیغندن اولوجهله مجرمیتنه و حرکتنه توافق ایدن قانون جزانك ایکی یوز یکرمی برنجی و قرق آلتنجی ماده لرینه توفیقاً و تنزیلاً بر بچق سنه مدته کورکه قولسنه و جنجه مظنونلردن ابراهیمك دخی اسلحه بمنوعه طاشیمق فعلندن طولانی یوز التمش التنجی ماده سی ذیلنه توفیقاً بر آی مدته حبسنه و کندوسندن برعثمانلی لیراسی جزای نقدی اخذیننه و مرقوم بکرك تعطیل عضودن و دیگر جنجه مظنونی خراک دخی ادعا اولنان فعلدن برائترینه حکم اولدیغنی محتویدر .

محلی مدعی عمومی معاونلکدنک لایحه تمیزیه سننده برنجی قسم محاکمه ده لسان ترجمانی تعیین قیلدینی کوسترلمدیکی کبی اوچنجی قسم محاکمه ده کی ترجمانك متهم و یا مظنونلردن هانکیسی ایچون تعیین اولدینی توضیح اولدیغندن و جلسات سائرده ایه ترجمان بولندیریلدیغندن و متهم بکرك مابه الاتهامی اولان فعل، جرح ايله تعطیل عضو اولدینی حالده مضبطه اتهامیه خارجنده جبراً سرقت جرمنه تشبثدن طولانی مجرمیت و محکومیتی جهتنه کیدلیدیکندن مرقوم بکرك مدار تجرمی اولان اسباب جرح عادی فعلندن طولانی توحیداً محاکمه سی اجرا قلنان ابراهیم حقنده ده موجود اولدینی حالده بر منوال محرر اتخاذا قرار اولدیغندن بمثله اعلامك نقضی استدعا قیلنمشدر .

تبليغنامه ده دخی لسان ترجمانك هانکی متهم ایچون تعیین اولدینی توضیح و بعض جلسده ده بولندیریلما سی اسبابی ذکر ایدلیدیکنه دائر لایحه تمیزیه مندرجاتیه تعطیل عضو جرمندن متهم اولان بکرك مستلزم مجازات دیگر بر جرمندن دولای مظنون اولدینی اکلایشلیدیکی تقدیرده اولنه جق معامله اصول محاکات جزایه قانوننك اوچوز اون برنجی ماده سنده مصرح اولدینی حالده بو صورتله معامله اولنماش و بناء علیه لایحه مذکوره نك مضبطه اتهامیه خارجنده اوله رق مرقومك جبراً سرقت جرمنه ده متشبت عدلیه تجرمی جهتنه کیدلیدیکنه دائر اولان محتویاتی وارد اولدینی کبی هیئتجه و قوعبولان تبدل اوزرینه دخی ضوابط سابقه قرائت و مندرجاتنك تحت تصدیقه انماش اولدیغندن بمثله اعلامك نقضی طلب اولنمشدر .

اوراق دعوانك مطالعه سنندن صوکره حکم جنائی ايله جهت میز بهدن دولای تدقیقات تمیزیه اجرا اولندقدن هر نه قدر محکمه جه متهم مرقوم بکرك سرقت تشبث فعلندن دولای مجرمیته قرار ویرلش ایه ده مرقومك حقنده اجرا قلنان تحقیقات استتطافیه نتیجه سننده تنظیم ا لنان مستطقی قرارنامه سننده مدعی عبدالرحمانك اوکوزلرینی جبر و شدته غضب و سرقت تشبث ایتك و بو ائشاده مدعی جرح ايله تعطیل عضرینه سبب اوراق فعلندن دولای لزوم محاکمه سی کوسترلش اولدینی حالده هیئت اتهامیه جه متهم مرقومك انجق تعطیل عضو جرمیه اتهام ایدلیدیکی و سرقت تشبث مسئله سنك مسکوت عنه براقلیدیکی مندرجات اوراقدن مستبان اولسنه نظراً مضبطه اتهامیه خارجنده قالان اشوتشبت مسئله سنك عندالحاکمه جریان ایدن تحقیقاتدن

اکلا شلمسی اوزرینه کفیتک علی الاصول مدعی عمومیکه تودیعیله نقصان مذکور ا کمال وتصحیح ایتدیرلکدن
صوکره اجرای محاکمه و اعطای قرار اولنسی مقتضی بولنشیکن هیئت محکمه دن ایکی ذاتک اشو مسئله دن
دولای و قوعبولان مخالفندن و مجرمیت قرارلرینک اکثریت نلنن آرا ایله اتخادی لزومنده کی صراحت
قانونیه درغماً مرقوم بکرنک اتهام اولندیگی سرت تشبندن طولای اکثریت عادیله ایله مجرمیته قرار ویرلمسی
مخالف قانون کورلمش اولدیگی کبی متهمه تعین اولنان لسان ترجماننک بعض جلسات محاکمه ده بولندیریلماسی
اسبابی ایله ترجمان واسطه سیله افاده سی اخذ اولندیگی بیان اولنان جنحه مظنون ابراهیمک ترجماننک اسم
و هویتنک ذکر وتصریح و هیئت حاکمه جه تبدل و قوعبولدیگی حالده ضوابط سابقه نک قرائتیه مندرجاتنک
تصدیق ایدله مش اولنسی دخی نقض حکمی مستلزم احوال دن بولنش و لایحه تمیزیه ده جهت تمیز به متعلق
اوله رق درمیان اولنان اعتراض مندرجات اعلامه نظراً وارد و بجا کورلمش اولدیغندن اصول محاکات جزائییه
قانوننک اوچوز اون دردنجی و اوچوز اون طقوزنجی ماده لرینه توفیقاً اعلام مذکورک حکم جنائی قسمی
ایله تمیز به جهتنک تقضه و احکام قانونیه دائره سنده ایفای معامله اولنق اوزره اوراقتنک محله اعاده سنه و
درتیوز غروش اعلام خرجنک ایلریده حقسنز چیه حق طرفدن تحصیلنه ۲ خیزران ۳۳۰ تاریخده متفقاً
قرار ویریلدی .

محکمہ تمیز جزا دائره سنده صادر اولده ۲۴ خیزران سنه ۳۳۰ تاریخ ۱۸۷۰ نومرولی اعلام صوریه :
« تخریم و تطبیقه قطعی و اصابت قانونیه بولنماسی موجب نقضدر »

قیر شهری سنجاغی بدایت محکمه سی جزا دائره سندن صادر اولان ۱۰ نیسان سنه ۳۳۰ تاریخلی و اوچ
نومرولی اعلام ایله اوراق متفرعه سی باش مدعی عمومیک مأموریت علیه سندن ۲۲ رجب سنه ۳۳۲ و ۳۰ خیزران
سنه ۳۳۰ تاریخلی و بیک الی یوز الی نومرولی تبلیغنامه ایله محکمه تمیز جزا دائره سنه اعطا قلمشدر .
اعلام مذکورک خلاصه مالی اوچوز بکرمی سکز سنه سی خیزرانی طرفنده قیر شهرینک قوراجیلی
قریه سندن ملازم کهیا اوغلی عابدینی جرح و قتل ایتدکری ادعا قلمسندن دولای جنایتله اتهام اولنان قریه
مذ کوره دن کرد عمر اوغلاری علی و مولودک اجرا قلنان محاکمه علیه لری نتیجه سنده متهمان مرقومانک
مشترکاً و تهوراً فعل قتل مذ کوره مجاسرتلری شهادات واقعه و دلائل و امادات سائر ایله ثابت اولوب انحق
قتل مذ کورک فاعل مستقل تعین ایده مامش اولدیغندن اولوجهله مجرمیتلرینه و حرکتلرینه توافق ایدن قانون
جزانک یوز یتیم دردنجی و یوز سکسانجی ماده لری احکامنه توفیقاً مستحق اولدقلری اون بشر سنه کورک
جزاسنک نائی بالتزیل اوزر سنه مدته کورکه قونلرینه ۱۰ مارت سنه ۳۳۰ تاریخنده حکم اولندیغندن
عبارتدر .

تبلیغنامه ده دخی صورت جریان محاکمه سیله جهت تطبیق حقنده اعتراضه محل کوریه میان اعلام مذکورک
تصدیق طلب اولنمشدر .

اوراق دعوی مطالعه اولندقدن صوکره تدقیقات تمیزیه اجرا اولندقدن هر تقدیر تبلیغنامه ده اعلامک
تصدیق طلب اولنیور ایسه ده مقتولک معاینه سی حاوی اولان طیب راپورنده بر جسم ثقیلک باشنه شدته
ضربندن متحصل کسر عظم سیبیله اغشیه و ادعیه دماغیه نک تترق و صدرینک طرف ایمنندن دخول ایله
قسم جنبی خلفیسندن خروج ایدن الت ناریه مرمیسنک دخی حجرات و ادعیه رثویه یی تخریب ایلدیکی و هر
ایکی جرحه نک دخی مصولک صورت قطعه ده موتی بادی جرحه لردن اولدیگی و شوقدرکه جروحات مذ کوره دن
جسم قیلدن حصوله کلان ضربه نک آناوات ناریه جرحه سنک آتیا وفاتی انتاج ایده جکی قائم تحقق اولدیگی
محرر اولسنه و محکمه جه مجرمیت قرارنامه سنده تحقیقات واقعه و محاکات جاریه دن متحصل دلائل و احوالک
تدقیق و تحلیلی و مدافعات مسروده نک اجوبه ردیه سنک ارائه و آتانی سرده سنده بسط ایدیلان مطالعات کافه
حادثه قتلک متهملردن هرایکسی طرفدن مشترکاً و قوعبولدیگی جهته حصر و تشمیل ایدیلرک اولوجهله
مرقوماندن علینک تفنک قورشونیه و مولودک دکنکه بالاشترک قتل مذ کوری ایقاع ایلدکرینک ثبوتندن
بحث اولندیگی کوسترلسنه نظراً محکمه نک دلائل و احوال جاریه دن استنتاج ایتدیکی شو نقطه نظره مخالف
اوله رق وصف جرمک تعینی اثناسنده « ایشده فاعل مستقل تعین ایده مامش اولدیغندن دخی بحث ایدلدیکی
کورلمش و شوقید و تعیر متناقضه درغماً و نتیجه ینه مرقومانک تهوراً و مشترکاً فعل قتل مذ کورک مرتبکی
اولق اوزره مجرمیتلرینه قرار ویرلمش اولدیگی حالده تحدید جزا قرارنده یوز سکسانجی ماده قائمه تطبیق
کیفیت ایدلمش اولسنه مبنی تجریم و تطبیقه قطعی و اصابت قانونیه کوریه مامش اولدیغندن اعلام مذکورک
اصول محاکات جزائییه قانوننک اوچوز اون دردنجی ماده سی حکمنه توفیقاً تقضه و احکام قانونیه دائره سنده
ایفای معامله اولنق اوزره اوراقتنک محله اعاده سنه و درت یوز غروش نقض خرجنک ایلروده حقسنز چیه حق
طرفدن تحصیلنه ۱۴ خیزران سنه ۳۳۰ تاریخنده اکثریتله قرار ویرلدی .

محکمہ تمیز جزا دائره سنده صادر اولده ۲۴ خیزران سنه ۳۳۰ تاریخ ۱۸۷۴ نومرولی اعلام صوریه :

« راپور مندرجاتی قلعیت فیه یی حائر اولدیگی تقدیرده صیحه مدیریت عمومیه سنه حواله سیله
قطعی فیه یی حاوی راپورک اخذی و آکا کوره ایفای معامله ایدلسی لزومته دائر »

توقاد سنجاغی بدایت محکمه سی جزا دائره سندن صادر اولان ۱۷ جمادی الاول ۳۳۲ و ۳۰ مارت ۳۳۰
تاریخلی و بیک قرق یدی نومرولی اعلام ایله اوراق متفرعه سی باش مدعی عمومیک مأموریت علیه سندن
۱۳ رجب ۳۳۲ و ۲۵ مایس ۳۳۰ تاریخلی و بیک درت یوز یدی نومرولی تبلیغنامه ایله محکمه تمیز جزا
دائره سنه اعطا قلمشدر .

اعلام مذکورک خلاصه مالی: موسی اغا زاده حاجی بکرک بر یکسینی سرقت و خشخاش کریمه سی حفیظه بی قما ایل و دلی احمد اوغلی مصدیقی روولورله جرح و قید و بند ایتش، و وفاته سبیت و یرمک ماده لرندن طولایی جانیله متهم بولنان قوری پیکار قریه سندن صولاق اوغلی شهرت دیگر عارار اوغلی حسین بن سلیمانک جنجه مظنونلریله معاً اجرا قلنان محاکمه لری نتیجه سنده متهم مرقومک دلی احمد اوغلی مصدیقی قتل قصدیه جرح و ضرب و قید و بند ایدرک فعلدن آیری بر سببک انضایله وفاته سبب اولدینی و حفیظه بی ده صورت عادیله جرح و جنجه مظنونلریله برلکده حاجی بکر افدینک طوار حیواناتی عادیاً سرقت ایلدیکی شهادت واقعه و دلائل و امارات سائر ایله ثابت اولدیغندن اولوجهله مجرمیتله واعظم جرمی اعتباریه حرکتیه توافقی ایدن قانون جزانک یوز یتش بشنجی ماده سینه توفیقاً و افعال سائر سببک حقنده سبب شدت عدلیه اون ایکی سینه مدته کورکه قوتلنسه و جنجه مظنونلری کور محمد و درویشک برر سینه مدته حبس لرینه ۲ کانون ثانی ۲۹ تاریخنده حکم اولدیغندن عبارتدر

تبلیغنامه ده دخی اعلام مذکورک تصدیقی طلب اولمشدر

اوراق دعوی مطالعه اولندقدن صکره حکم جانیدن دولایی تدقیقات تمیزیه اجرا اولندقدن ۲۲ کانون ثانی ۳۲۸ تاریخلی راپور مندرجاتی «ضرب و جرح مذکور متوفاده بولنان خسته لغک شدتنه و موتنک تعجیلنه سبیت و یرمش اولدینی احتمالاتدن بولندی» عباره سنی محتوی اولمغه غیر قطعی کورلمش و بناء علیه احتمالات مذکورنک ازاله سی ضمننده بوبابده کی راپورلرک صحیه مدیریت عمومیه سینه حواله سیله قطعیت قیه بی حائز راپورک اخذی واکا کوره ایفای معامله اولنسی لزومندن ذهول ایدلمش اولنسی مخالف قانون و مستلزم نقض احوال دن بولنمش اولمغه اعلام مذکورک اصول محاکمات جزائییه قانوننک اوچوز اون دردننجی ماده سی حکمنه توفیقاً نقضه و احکام قانونیه دائره سنده ایفای معامله اولنقی اوزره اوراقنک محله اعاده سینه و درت یوز غروش نقض خرجنک ایلروده حقسز حقیقه جق طرفدن تحصیلنه ۲۹ مایس ۳۳۰ تاریخنده متفقاً قرار ویرلدی.

محکمات استعاضا از روی مغازی

محکمات تمیز استعاضا از روی سنده صادر اولده ۹ شباط سنه ۳۲۹ تاریخلی ۳۷۶۷ نومرولی اعلام صورته بر:

«مسئله مستأخره»

صارو حان سنجای بدایت محکمه سی جزا دائره سندن استینافاً تنظیم واعطا قلنان ۲۸ تموز ۳۲۹ تاریخ وایکی یوز سکسان الی نومرولی اعلامک تمیزاً تدقیقی مستدعی اوزون خلیل جانبدن معطی استدعاینامه ایله اوراق متفرعه سی باش مدعی عمومیک مأموریت علیه سندن بتبلیغنامه محکمه تمیز استدعا دائره سینه تودیع

اولنمش ولدی التدقیقی مذکور استدعانک مدت قانونیه سی طرفنده اعطا و شرائط لازمه سائر سببک دخی ایفا قلندیکی آکلاشلمش ایدو کندن بالقبول تدقیقات تمیزیه اجراسنه ابتدار اولدی.

اعلام مذکورک خلاصه مالی حسین اوغلی بکتاشک متصرف اولدینی ترلاسنه مداخله ایلدیکی ادعا اولنان اوزون خلیلک تحدید جزاسنه دائر بدایه لاحق اولان حکمک محکوم مرقوم جانبدن اقامه اولنان استیناف دعواسنک سبق ایدن محاکمه و تدقیقاتی نتیجه سنده بدایه اجرا قلنان کشفی حوی راپورده مستأنف طرفدن ابراز اولنان سنده محرر حدودک منازع فیه تارایله عدم مطابقتدن ناشی مسئله نک حقوقه عأدیتی حقنده کی ادعانک غیر وارد و جرم مذکورک کشف و رقه سیله ثابت اولسنه مبنی موافق اصول و قانون کوریلان حکم ابتدائینک تصدیقه قرار ویرلدیکی متضمندر.

لایحه تمیزیه ده باطابو تحت تصرفنده بولنان اراضی منازع فیه حقنده وقوعبولان تجاوزد دعواسنک رؤیتی حقوق محکمه سینه عأد اولدینی حالده محکومیتنه دائر اولان حکم ابتدائینک عندالاستیناف تصدیقی جهته کیداسی مغایر قانون ایدو کندن بخله اعلام استینافینک نقض استدعا اولنمش و تبلیغنامه ده دخی مذکور لایحه ده اصول و اساسه متدائر سرد اولنان اعتراضاتک اعلام تمیزیه مندرجاتنه نظراً غیر وارد ایدو کی بیانیله ردی لزومی کوستراشدر.

ایجابی لدی المذاکره مندرجات اعلامدن منضم اولدینی وجهله بکتاشک ترلاسنه مداخله ایتدیکی ادعا اولنان محمد علی اوغلی اوزون خلیلک تحدید جزاسنه دائر بدایه ویریلان حکمک عندالاستیناف تصدیقه قرار ویرلمش ایسده اثنای محاکمه ابتدائیه ده طرفین محل منازع فیه کندولرینه عأد اولدینی بیان وسند خاقانلرینی دخی ابراز ایتلرینه نظراً دعوی واقعه ده مسئله مستأخره حادث اولدینی جهته محکمه جه اول امرده طرفینک ادعا و مدافعانه و ابراز اولنان سندانه کوره بولنردن قنغیننک محکمه حقوقه مراجعت ایتسی اقتضا ایده جکی کیفیتله جزا جهته تعلق ایدن دعوانک مهل مناسب تعییننه مدت مقررده نک ختامنده اقامه اولندیغه دائر محکمه عأده سندن علم و خبر ابراز اولندیکی حالده جهت جزائییه سنک اورادن ویریه جک حکمه تعلیقاً تأخیری و عکس تقدیرده ختام مهلی متعاقب جزا دعواسنک رؤیته ابتدار اولنقی اوزره بورالرینک تحت قراره النسی اصولاً مقتضی بولندیکی حالده درجه اولی محکمه سنجه تعریفات مشروحه دائره سنده ایفای معامله اولنقسزین مظنون مرقومک محکومیتی جهته کیدلسی اعلام ابتدائینک فسختی مستلزم احوال دن بولنمش ایکن محکمه استینافیه جه تصدیق اولنسی یولسز و مخالف اصول و قانون اولوب لایحه تمیزیه مندرجاتی وارد و بجا کورنمش ایدو کندن اصول محاکمات جزائییه قانوننک اوچوز اون دردننجی و اوچوز اون طقوزنجی ماده لری منظوقجه اعلام استینافینک بو سببیدن طولایی نقضیه احکام قانونیه دائره سنده ایفای معامله اولنقی اوزره اوراق متعلقه سنک محکمه مذکوریه اعاده سینه وایکی یوز غروش اعلام خرجنک تعرفه و تعلیمات مخصوصه سینه توفیقاً ایلروده حقسز حقیقه جق طرفدن استیفاسنه ۹ شباط ۳۲۹ تاریخنده متفقاً قرار ویرلدی.

محکمہ تمیز استدعا دائرہ سنہ ۱۲ شباط سنہ ۳۲۹ تاریخ ۳۴۰۵ نومروی اعلام صورتیہ:

« استیناف دعوی »

جبل برکت سنجائی بدایت محکمہ سی جزا دائرہ سنیدن استینافاً تنظیم واعطا قلنان ۱۷ تشرین اول سنہ ۳۲۹ تاریخ وایکی یوز سکسان یدی نومروی اعلامک تمیزاً تدقیقی طلبی حاوی محکمہ مذکورہ مدعی عمومی معاونلکی جانبندن معطی استدعا نامہ ایله اوراق متفرعہ سی باش مدعی عمومیک مأموریت علیہ سنندن بالتبلیغنامہ محکمہ تمیز استدعا دائرہ سنہ تودیع اولمش ولدی التدقیق مذکور استدعاینامہ سنک مدت قانونیہ سی ظرفندہ ویرلدیکی اکلاشلمش ایدوکنندن بالقبول تدقیقاتی تمیزیه اجراسنہ ابتداء اولندی .

اعلام مذکورک خلاصہ مالی موصیلنک بر رأس اوکوزنی سرقت ایتدکری ادعا اولسان اسماعیل و ابراهیم ایله ایش اوغلی محمدک بدایہ سبق ایدن محاکمہ لری نتیجہ سنندہ مظنون مرقومونک فعل مذکورہ جرأتلری یکدیگریہ عطف جرم ایتلری وشهود مهمہ نک اخبارانی وبونلردن ابراهیم واسماعیلک اصحاب مکررہ دن بولملری دلالہ لریہ مرتبہ ثبوتہ کوریلہ رک مظنون مرقومانک هنوز اون سکز یاشنی اکال ایتدکری اکلاشلمنہ مبنی قانون جزانک قرقچی مادہ نک فقرہ اخیرہ سی دلالہ قانون مذکورک ایکی یوز یکرمی دردنجی مادہ قائمہ سی موجبہ تعیین قلنان ایکی سنہ حبس جزاسنک فقرہ مذکورہ توفیقاً ربعنک بالتزیرل اون سکز ماه حبسلریہ ودیکر مظنون ایش اوغلی محمدک دخی مادہ قائمہ مذکورہ توفیقاً بر سنہ مدتلرله حبسلریہ ومسروق اوکوزک قیمتی اولدینی مدعینک افادہ سنندن اکلاشلان الی لیرانک ضماناً تحصیلنہ ومسروق اوکوز موجود ایسہ عیناً تسلیمنہ دائر ویرلان حکمک عندالاستیناف تصدیقہ قرار ویرلدیکی متضمندر .

لایحہ تمیزیه ده تکرر جرملرندن طولانی بدایت محکمہ سنجه جزالری تزئید ایدیلان ابراهیم ایله اسماعیلک محکومیت سابقہ لرینک کسب قطعیت ایدوب ایتدیکنک تدقیق ایدلامسنک وجیمک ثبوتی امرندہ یکدیگریہ عطف جرم ایلدکری اسباب کوسترلمش ایکن عطف جرم نہ صورتله واقع اولہ رق نہ صورتله اسباب موجبہ تشکیل ایلدیکی تعیین قلنامسنک واکوز بدلندن طولانی حکم ایدیلن الی لیرا قیمتک قیمت حقیقی اولوب اولمادینی حقدنہ تدقیقات اجرا اولمامسی سبلرندن ناشی مدعی عمومیک مقامندن فسخ حکم حقدنہ سبق ایدن طلبک محکمہ استینافیه جه یالکز اوکوزک قیمتی حقدنہ کی جهتی نظره آله رق جهات سائرہ نک اسباب موجبہ ایله رد ایدلامسنک مغایرت قانونیہ سنندن بحث ایله اعلام استینافینک نقضی طلب اولمش وتبلیغنامہ ده دخی اعتراضات واقعہ نک اعلام میزیه مندرجاتنہ نظراً وارد ایدوکی بیانیله اعلام مذکورک نقضی لزومی کوسترلمشدر .

ایجابی لدی المذاکره مندرجات اعلامدن مفہم اولدینی وجهله موصیلنک بر رأس اوکوزینک کیفیت

سرقتندن طولانی مظنون اولان اسماعیل و ابراهیم ایله محمدک تحدید جزالریہ دائر بدایہ لاحق اولان حکم علیہندہ دعوی استینافہ قیام ایدن محکوم مرقومون جانبندن اعطا قلنان استیناف استدعاینامہ لرندہ وائتای محاکمہ استینافیه ده مدعی عمومی معاونلکی طرفندن بر طاقم اعتراضات درمیان ایدلمش و محاکم استینافیه جه بوقیل اعتراضاتک بالتدقیق شایان قبول کورلمدیکی تقدیرده اسباب ردیہ سنک بیان وارائہ سی واحکام مادہ نک اسباب موجبہ قانونیہ استنادی لزومی مین اولان اصول محاکمات جزائیه قانونک یوز الی اوچنجی مادہ سی اقتضاسندن بولمش ایکن محکمہ استینافیه جه اعتراضات مذکورہ نک ردی اسبابی کوسترلمش و برده مسروق اوکوزک قیمتی درجہ اولی محکمہ سنجه بالتدقیق مدعی شخصینک قول مجردی اوزرینہ الی لیرا حکم ایدلمش اولدینی جهتلہ مظنونلرک بوجهتہ اعتراض ایتلاملری بوبایدہ تدقیقات اجراسنہ مانع قانونی تشکیل ایتیمه چکی درکار ایکن مدعی عمومیک بویولده کی اعتراضک دخی نظر اعتنایه آلمامسی بولسز ومخالف اصول وقانون اولوب تبلیغنامہ مندرجاتله لایحہ تمیزیه مؤداسی بوصورتله وارد بجا کورنمش اولدیغندن اصول مذکورک اوچپوز اون دردنجی و اوچپوز اون طقوزنجی مادہ لری موجبہ اعلام استینافیک اسباب محررہ دن ناشی نقضیلہ احکام قانونیہ دائرہ سنندہ ایفای معاملہ اولنق اوزرہ اوراق متعلقہ سنک محکمہ مذکورہ اعادہ سنہ وایکی یوز غروش اعلام خرجنک تعرفہ وتعلیمات مخصوصہ سنہ توفیقاً ایلرودہ حقسنز چیقہ حق طرفدن استینافسنہ ۱۲ شباط سنہ ۳۲۹ تاریخندہ اکثریتله قرار ویرلدی .

محکمہ تمیز استدعا دائرہ سنہ ۱۵ ارب سنہ ۳۳۰ تاریخ ۴۱۰۳ نومروی اعلام صورتیہ:

« بر خاتونک شخص آخر ایله اجرا ایلدیکی فعل شیعندن دولایی حقدنہ تعقیبات قانونیہ اجرایی بینلرندہ زوجیت قائم اولدینی حالده ویاخود طلاق وقوعندن درت آی نہایتنہ قدر زوجنک وزوجی اولدینی حالده ولیسنک شکایتنہ معلق در »

ایدن سنجائی بدایت محکمہ سی جزا دائرہ سنندن استینافاً تنظیم واعطا قلنان ۴ اغستوس سنہ ۳۲۹ تاریخ و یوز الی طقوز نومروی اعلامک تمیزاً تدقیقی مستدعی مستان اوغل علی جانبندن معطی استدعاینامہ ایله اوراق متفرعہ سی باش مدعی عمومیک مأموریت علیہ سنندن بالتبلیغنامہ محکمہ تمیز استدعا دائرہ سنہ تودیع اولمش ولدتدقیق مذکور استدعاینامہ نک مدت قانونیہ سی ظرفندہ اعطا وشراط لازمہ سائرہ سنک دخی ایفا قلندینی اکلاشلمش ایدوکنندن بالقبول تدقیقات تمیزیه اجراسنہ ابتداء اولندی .

اعلام مذکورک خلاصہ مالی طوز اوغلی خلیلک زوجہ مطلقہ سی فاطمہ ایله مقارنت غیر مشروعہ ده بولندینی ادعا اولنان مستدعی علینک تحدید جزاسنہ دائر بدایہ لاحق اولان حکم علیہندہ محکوم مرقوم جانبندن اقامہ اولنان استیناف دعویاسنک سبق ایدن محاکمہ وتدقیقاتی نتیجہ سنندہ مرقوم خلیلک عسکرده

بولنسی حسینیه اقامه دعوائی والدہ سی امینہ حوالہ ایلدیک مرسول طلاقنامہ مندرجاتندن استدلال اولنمہ بناءً اولبابده کی مدافعتک ردیله موافق اصول وقانون کوریلان حکم ابتدائیک تصدیقہ قرار ویرلدیکی متضمندر .

تمیز استدعاینامہ سنده برکونا صفت قانونیهی حائر اولمایان مرقوم خلیک والدہ سی مزبورہ امینہ طرفندن علیہنده اقامہ اولنان دعوان طو لای بر وجه محرر محکومتی جهته کیدلسی مغایر قانون ایدو کندن بحثله اعلام استینافیک نقضی استدعا اولنش وتبلیغنامہ ده دخی قانون جزانک ایکی یوز برنجی ماده سنک علاوہ سی مقامنه قائم اولان مادہ ده بر خاتونک بر شخص آخر ایله بالرضا اجرا ایلدیک فعل شیعندن طو لای علیہنده تعقیبات اجراسی ینلرنده زوجیت قائم اولدینی حالده ویا خود طلاق وقوعندن درت آی نهایته قدر زوجک وزوجی اولمادینی تقدیرده ولسنک شکایتہ معلق اولدینی محرر بولندینی حالده مزبورہ نک زوجی خلیل طرفندن والدہ سنه کوندریلوب یالکز طلاقه وکالتی آمر اولان مکتوبک مندجاتی محکمہ جه توسیع اوله رق اشبو وکالتک مزبورہ یه حق دعوائی دخی تفویض صورتده تلقیسله مزبورہ طرفندن ویریلان دعوی استدعاسنک قبول ایدلسی مخالف قانون بولنش لایحه تمیزیه ده بوقسمه عائد اعتراضک وارد کورلمش اولدیغندن اعلام مذکورک نقضی لزومی کوسترلمشدر .

ایجابی لدی المذاکره قانون جزانک ایکی یوز برنجی ماده سنک علاوہ سی مقامنه قائم اولان ماده قانونیه منطوقجه بر خاتونک شخص آخر ایله اجرا ایلدیک فعل شیعندن طو لای حقنده تعقیبات اجراسی ینلرنده زوجیت قائم اولدینی حالده ویا خود طلاق وقوعندن درت آی نهایته قدر زوجک وزوجی اولمادینی تقدیرده ولسنک شکایتہ معلق اولوب بنابرین مسئله حاضرده دن دولای مظنون علیها فاطمه نک زوجی خلیل طرفندن مزبورہ یه طلاقه وکالتی حاوی اوله رق والدہ سی امینہ یه کوندرمش اولدینی مکتوب مندجاتی اقامه دعوی امرنده حق وکالت بخش ایدر بر صراحتی متضمن اولمادینی کبی ماده مذکورہ صراحتنه نظراً بو بابده اقامه دعوا یه دخی صلاحیت قانونیهی حائر بولنمش ایکن مزبورہ امینہ نک تعقیبات اجراسه اساس اتخا ذینه صالح اولمایان شکایت واقعه سنه استناداً اجرای تدقیقاته ابتدار وبروجه محرر اتخا ذ قرار اولنسی کبی درجه اولی محکمہ سنجه واقع اولان خطیاته بناءً اولبابده کی حکم ابتدائیک عندالاستیناف فسخیله ایشک مجرای قانونیسنه ارجاعی لزوم قانونیسنه فارشو تصدیق جهته کیدلسی یولسز ومغایر اصول وقانون اولوب بو جهتی متضمن اولان اعتراضات واقعه تبلیغنامہ ده دخی کوسترلدیکی اوزره وارد وبجا کورنمش ایدو کندن اصول محاکمات جزائیہ قانونک اوچوز اون دردنجی واوچوز اون طقوزنجی ماده لری منطوقجه اعلام استینافیک اسباب محرریه بناءً تفضیله احکام قانونیه دائره سنده ایفای معامله اولنق اوزره اوراق متعلقه سنک محکمہ مذکوریه وتمیز جزای تقدیسی اوله رق محلی مال صندوقه تودیع اولنان بش لیرانک اصول مذکورک اوچوز قرق اوچنجی ماده سی موجبجه مستدعی یه اعاده سنه ودرت یوز غروش اعلام خرجک

تعرفه وتعلیمات مخصوصه سنه توفیقاً ایلروده حقسز چیه جق طرفدن استیفا سنه ۵ مارت سنه ۳۳۰ تاریخده اکثریتله قرار ویرلدی .

حکم تمیز استدعا دائره سنده صادر اولده ۱۲ نیسان سنه ۳۳۰ تاریخ ۲۸۶ نومرولی اعلام صورتدر :

« اورمان تخریباتندن متولد جزی نقدی حقنده »

جانیک سنجائی استیناف محکمہ سی جزا دائره سندن تنظیم واعطا قلنان ۱۹ شباط سنه ۳۲۹ تاریخ توسکر یوز الی یدی نومرولی اعلامک تمیزاً تدقیق طلبی حاوی محلی اورمان اداره سی جانپندن معطی استدعاینامہ ایله اوراق متقرعه سی باش مدعی عمومیک مأموریت علیہ سندن بتبلیغنامہ محکمہ تمیز استدعا دائره سنه تودیع اولنش ولدی التدقیق مذکور استدعاینامہ نک مدت معینه قانونیه سی طرفنده اعطا قلندینی اکلا شلمش اولدیغندن بالقبول تدقیقات تمیزیه اجراسه ابتدار اولندی

اعلام مذکورک خلاصه مالی میری اورمانندن تذکره سی معلوم المقدر حطب وکراسنه اخراج ونقل ایتدیک ادا اولنان صاری دیمیدایله رفقاسنک اجرا قلنان محاکمه لری نتیجه سنده طرفینک افاده وبیاناتنه نظراً سالف الیان کراسنه وحطبک اساساً خصوصی اورماندن قطع ایدن ونقل ایدلش بولندینی لب دریا ایسه تعلیماتک ترفیقاتی وجهله رسوم استیفا سی لازم کلان داخل اورماندن خارج محلدن معدود بولنش وبنابرین برکونا ضایعات دخی غیر موجود بولنش اولدیغنک تحقیقندن بحثله مظنون مرقومونک براتلرینه دائر بده لاهق اولان حکمک اورمان اداره سی جانپندن اقامه ایدیلان استیناف دعواسنک سبق ایدن تدقیقاتی نتیجه سنده مندرجات اعلامه نظراً غیر وارد کوریلان اعتراضات واقعه نک ردیله موافق اصول وقانون اولان حکم مذکورک تصدیقہ قرار ویرلدیکی متضمندر

لایحه تمیزیه ده منازع اولان کراسنه وحطبک خصوصی اورمانک حدودی طابوده محرر حدودلر اولوب اشبو حدودک خارجده قالان محللره خارج اورمان اطلاق ایدلسی ایجاب ایدہ جکی ومذکور اورمانک طابوسنده لب دریا مذکور اولدیغندن طو لای ساحلک خارج اورمان اولسی مقتضی بولنش ایکن عندالاستیناف بوراسی نظر دقتہ التفسیرین داخل اورمان اعتبار ایدلسی یولسز ومغایر قانون بولنش ایدو کندن بحثله ذکر اولنان اعلام استینافیک نقضی استدعا ایلدیک کبی تبلیغنامہ ده دخی لایحه تمیزده سرد ایدیلان اعتراضاتک اعلام تمیزیهک محتوی اولدینی اسباب موجبیه نظراً غیر وارد اولدینی بیانیله تمیز استدعاینامہ سنک ردی وموافق اصول وقانون بولنان اعلام مذکورک تصدیق لزومی کوسترلمشدر .

ایجابی لدی المذاکره محکمہ استینافیه جه اجراسه ابتدار اولنان محاکمات وتدقیقات اثناسنده اورمان تخریباتندن متولد جزای نقدی وتضمیناته متعلق دعوی ایله سائر مواد جرمیهی رؤیت وتدقیق وظیفه سیله مکلف بولنان

درجه اولی محکمه سنجه منظون صاری ویمید ایله رفقای حقنده اقامه ایدیلان و اورمان رسومنک عدم تأدیه سنه متعلق اولسی اعتباریله رؤیتی محکمه حقوقه عائد بولان وظیفه خارجنده اوله رق حل و تدقیق جهت کیدلسی کبی واقع اولان خطیاته بناءً منظونلرک برأتی متضمن اولان حکم ابتدائینک فسخیله ایشک مجرای قانونیسنه ارجاعی لازم کلورکن بوجهت نظردقته النیه رق حکم مذکورک تصدیق اولتسی یولسز و مغایر اصول وقانون اولدیغندن اصول محاکات جزائییه قانوننک اوچوز اون دردنجی و اوچوز اون طقوزنجی ماده لری منظوقجه اعلام استینافینک بوسبدن ناشی نقضیله احکام قانونیه دائره سنده ایفای معامله اولتفی اوزره اوراق دعوانک محله اعاده سنه و درتیوز غروش اعلام خرجنک تعرفه و تعلیات مخصوصه سنه توفیقاً ایلروده حقمنز حقیقه جق طرفدن استیفا سنه ۱۲ نیشان سنه ۳۳۰ تاریخده متفقاً قرار ویرلدی

انجمن عدلیه مقرراتی

انجمن عدلیه صادر اولان ۱۷ ضریحه ۳۳۰ تاریخ فی قرارنامه صورتیر:

« اجرا محبوسلرندن خسته اولانلر حقنده »

در سعادت بدایت محکمه سی ریاست اولاسنک ۱۳ مایس سنه ۳۳۰ و امور حقوقیه مدیریت بهیه سنک ۲۰ مایس منه تاریخ فی مذکره لری مطالعه اولندی دیون عادیه دن طولانی اجرا دائره سنجه حبس و توقیف ایدیلن مدیونیندن خسته لقاری فناً تحقق ایدنلرک اعاده عافیت ایلدکن صکره مدت محبوسیتلرک اکیل ایتدیرمک اوزره موقتاً اجرای تخلیه لری اصول و تعامل جاریه اقتضاسندن بولنقده ایسه ده بوضورتله علی الاکثر تأمینات و کفالتیه ربط ایدیه مکسزین سربست بر اقلان مدیونلر بالاخره اکتساب صحتلرینی متعاقب بالرضا مراجعتله تسلیم نفس ایتدکلری کبی فرار ایلریده ملحوظ اوله رق شوال فرار حبسک خلدار اولسنی انتاج ایده جکندن بواسولک دوام جریانی بادی تردد اولدینی و بوقیل موقوفینک محکومیت جزائییه قیاساً ضابطه نک نظارتی النده حبسخانه عمومی خسته خانه سنده تدویلریده ماهیت محبوسیتلرینه نظراً معذورتلرینی موجب اوله جفی بیانیله تعیین ایجابی عرض واستیدان قلمتقدده در .

اجرا محبوسلرندن خسته اولانلرک نه قدر زمانده تداوی ایدیه بیله جکتنک اراده سیله تنظیم و ابراز اوله جق راپور محتویاتی اجرا دائره سنجه قناعتبخش کورلدیکی تقدیرده تخلیه لری و مدت مذکورده نک ختامنده کندولرندن کلوب تسلیم نفس ایتدکلری حالده اجرا قانوننک یوز قرق ایکنجی ماده سی موجبجه ضابطه معرفتیله جلب واحضار ایله حبس مدتک اکیلی لازم کله جکی تذکر قلندی .

انجمن عدلیه صادر اولان ۱۷ ضریحه ۳۳۰ تاریخ فی قرارنامه صورتیر:

« اصول محاکمه و صورت اجرای قانون مخصوصه تابع اولان رژی دعوالرینک رؤیتی بدایت محکمه لرینه عائد اولوب محاکم صلیحه نک وظیفه معینه لری خارجنده اولدیغنه دائر »

امور جزائییه مدیریت بهیه سنک ۱۶ کانون ثانی ۱۳۲۹ تاریخ فی مذکره سی مطالعه اولندی . مندرجاتی محاکم جزائییه ده مواد حقوقیه کبی رؤیت ایدلمکده اولان رژی جزای نقدی دعوالرندن ایکی بیک بشیوز غروشدن دون مقدارده بولنلرک جزای تقدینک مقدارینه کوره صلح محکمه سنده و یا خودمواد مذکورده نک حبساً استتاج ایدلسی اعتباریله جزا محکمه لرنده رؤیت ایدیه جکلری و جزای تقدینک امر ایفا سنده ترمرد وقوعنده جزای تقدینک حبسه تحویلی و رژی نظامنامه سنک الی دردنجی ماده سی صراحتیه نظراً آلتی ماه حبسندن صکره تخلیه معامله سنک اجرا اولنه بیله جکی و بونک صلح و یا جزا محکمه لرنده اجراسی لازم کله جکی خصوصاً سنده تردد ایدلیدکندن بختله کینیتک درسعادت استیناف مدعی عمومیلکندن استیدان اولدینی بیان ورژییه متعلق بوقیل دعاوینک رؤیتی رژی نظامنامه سنک الی طقوزنجی ماده سی حکمنجه بدایت محکمه لرینه عائد اولوب صلح محکمه لرینک رؤیت ایدیه بیله جکلری دعاوی صلح حاکملری قانوننده تحدید و تعیین اولنه رق صلح محکمه لرینک رژییه متعلق دعاوی پی ده رؤیت ایده جکی حقنده بر صراحت موجود اولماقده برابر رژییه متعلق دعاوینک مدت تمیز و استینافی قانون مخصوصنده معین اولوب صلح حاکملری مقرراتی استیناف و تمیز مدتلرینک ایسه یکدیگر یله قابل تألیف اوله میه جق درجه ده میان اولسنه و شمیدی به قدر رژی دعوالرینک بدایت جزا محکمه لرنده رؤیت اولنقده بولنسنه و اساساً رژی دعوالری ربع دعوتیه خرجلرینه تابع ایدوکنه نظراً صراحت قانونیه و تعاملی وجهله بدایت محکمه لرینه عائد اولان رژی دعوالرینک رؤیتی محاکم صلیحه نک وظیفه معینه لری خارجنده اولدینی درکار ایسه ده کیفیتک برکرده ده انجمن عدلیه جه تدقیق لزومی بیاندن عبارت بولنمشدر .

ایجابی لدی المذاکره توتون قیاقیغنه عائد مواد جرمیه نک نظامنامه مخصوص احکامنجه جزای نقدی ایله محکومیتی مستلزم اولسنه واشبو مجازات تقدیه نک تأدیه سندن امتناع وقوعنده بونک حبسه تحویلی مذکور نظامنامه احکامی مقتضاسندن اولسنه و اشبو حبس جزاسنک مدتی اوچ سنه به قدر بمتد اولوب حالبوکه صلح قانوننک سکرنجی ماده سنده صلح حاکملرینک قوانین خصوصیه ده مندرج اولوب منتهای جزاسی بر سنه ی تجاوز ایتیان جرائمه متعلق دعوالری رؤیت ایدیه بیله جکلری محرر بولنسنه نظراً اصول محاکمه و صورت اجرای قانون مخصوصه تابع اولان رژی دعوالرینک رؤیتی بدایت محکمه لرینه عائد اولوب محاکم صلیحه نک وظیفه معینه لری خارجنده اولدیغندن محانه بو وجهله جواب تسطیری و احوال نمائنده بو دائره ده ایفای

معامله اولفق اوزره کیفیتک تعمیماً محاکمه تبلیغی و یاخود جریده عدلیه ایله اعلانی مناسب اوله جنی تذکر قلمش ایسه ده اجرای ایجابی منوط رأی سامی جناب نظارتناهیلیلیدر .

انجمن عربی دره صادر اولان ۲۱ صبرانه ۳۳۰ تاریخ فرار صوریندر:

« قصبه و قری داخلنده سلاح آتالار حقهده »

حلب استیاف مدعی عمومیلکنک ۱۶ کانون نانی سنه ۳۲۹ تاریخی تحریرایله ظهرنده امور جزائیہ مدیریتدن محرر درکنار مطالعه اولندی . تنبیها و اوامر حکومتیه مغایر حرکتده بولنلار ایله قصبه و قرا داخلنده سلاح آتالار حقهده کی محاکماتک محاکم نظامیه عائد وظاقتدن اولدینی حالده اداره عمومیه ولایات قانوننک یتیمش دردنجی ماده سنه استناداً وظائف مذکورنک اورفه متصرفلغنه مجلس ادارهیه عائد بولندینی بیان اولندیغندن بجهل استیذان کیفیت ایدلکده ، مدیریت مومی الیهاجه دخی اداره ولایات قانوننک آلتش التبعی ماده سی احکامنه توفیقاً مجلس ادارهیه تودیع اولنان وظائف مأمورین محاکمته متعلق اولدینی کی قانون مذکورنک یتیمش دردنجی ماده سی ایجابجه مجلس ادارهجه حکمه ربطی لازمکلان ماده ده و مجلس اداره و یاروسای مأمورین ملکیه طرفندن اشبو قانونه توفیقاً اتخاذ اولنان مقررات و تدابیرک تطبیق و اجرا سنه ایقاع مشکلات و یا مخالفت ایدنلره عائد اولوب کرچه مذکور متصرفلغنه خسوف و کسوف و بیرام و قوعنده و رمضان کیجه لرنده و حایلرک مجازدن عودتی زمانلرنده و یورطی و پاسقاله لرده قصبه درونده سلاح آتالارک اجرای محاکمه و مجازاتی مذکور یتیمش دردنجی ماده یه مستنداً مجلس ادارهیه عائد بولندینی بیان اولنمقده ایسه ده قصبه و قرا داخلنده و مضرتی موجب اوله حق محللرده فشنگ و طبایحه آتالار و نظامات ملکیه و کرک اداره بلدییه طرفندن نشر اولنان نظاماته توفیق حرکت ایتیانلر حق لرنده قانون جزانک ایکویز الی دردنجی و ایکویز الی بشنجی ماده لرینک تطبیق محاکم نظامیه عائد بولندیغندن قانون جزانک اشبو احکام صریحه سی خلافتده اولان متصرفلغک اجتهاد مبحوثی ایله محاکم عمومیه عائد بولنان مواد و مسائلک مجلس ادارهیه ترکی جائز اولدینی و اداره ولایت قانوننک مذکور یتیمش دردنجی ماده سنندن مقصد ایسه یالکز مجلس عمومی و مجلس اداره و رؤسای مأمورین ملکیه طرفندن اتخاذ اولنان و مثلاً بربرده کی پاراک آخر بر محله نقلی کی مواد متعلق بولنان تدابیر و مقرراتک تطبیق و اجرا سنه ایقاع مشکلات و یا مخالفت ایدنلرک محاکمه لرینک مجلس ادارهیه تودیغندن عبارت ایدوکی مطالعه سنده بولنمقده اولوب موافق قانون کوریلان مطالعه مذکورده دائره سنده جواب اعطاسی لازمکله چکی تذکر قلندی

قانوننامه مدنی

اسویچره قانوننامه مدنیسی

(کچن نسخه دن مابعد)

۳۷۵ ماده : محجوریت حکمی قطعی کسب ایدنجه در حال اقل بردفیه مولدی اولان محکک جریده رسمیه لرندن بریله اعلان اولنور . (م : ۲۳ ؛ ۳۷۷ ، ۳) .
ضعف فکر ایله معلول و سکر حال ایله معروف و مشهور اولان محجور بر مؤسسه ده بولندینی مدتیجه مستینا اوله رق بواعلانک تأخیری جائزدر . (م : ۴۳۵) .
محجوریت انجق اعلانی تاریخندن اعتباراً حسن نیتده بولنان اشخاص ثالثیه درمیان اولنور .

اوچنجی فصل

وصایته متعلق خصوصانک رؤیتیه وظیفه دار اولان محکمه

For tutélaire.

۳۷۶ ماده : وصایته دائر امور رؤیت ایدنک وظیفه دار محکمه صغیرک و یا محجورک محکمه سیدر . (م : ۲۳ ؛ ۲۵) .
مولدی اولان محکک بلدییه دائره سی معاونت عمومیه یی تماماً و یا قسمیاً ایفا ایتک وظیفه سیله مکلف ایسه ، ایالات کندی دائره لری داخلنده اسکان ایدن کسه لرک مولدی اولان محکک مقامات وصایته تابع اوله جقلرینه دائر اوامر اصدار ایده بیلیلر . (م : ۶۹ ؛ ۶۸) .

۳۷۷ ماده : یتیم مقام وصایتک موافقتی اولدجه اقامتگاهنی تبدیل ایدمنز .
تبدیل اقامتگاه واقع اولور ایسه وصایت یکی اقامتگاه منتقل اولور .

بوتقدیرده محجوریت یکی اقامتگاهده اعلان اولنور . (م : ۳۷۵) .
۳۷۸ ماده : مولدی اولان محکک مقام وصایتی دیگر بردائرته حوضه سنده ساکن اولان برکسه نک تحت وصایته التمسنی مذکور دائره نک مقام وصایتدن طلب ایده بیلیلر .

مولدی اولان دائره نک مقام وصایتی کندی اهالی اصلیه سنندن اولوبده بشقه بردائرته داخلنده تحت وصایته بولنان یاخود تحت وصایته التمسنی لازم کلن برکسه نک منفعتک محافظه سی ضمیمه وظیفه دار اولان مقامه مراحت ایده بیلیلر . (م : ۵۴ ؛ ۵۳) .

۱ : اقامتگاه
محکمه سی

۲ : تبدیل اقامتگاه

۳ : مولدی اولان
ایالتک حقوق

تحت وصایته اتمش اولان برصغیرك تربیه سیچون تداییر اتخاذه ۷۱ اولدقهده اهتمکاهی اولان یرك مقام وصایتی مولدی اولان مقام وصایتك طلب و تعایاته اتباع ایدر . (م : ۲۷۷ ؛ ۴۰۵) .

در دنجی فصل

وصینك نصبی

Nomination du tuteur.

۳۷۹ ماده : مقام وصایت بومأموریتی ایفایه مقتدر و کیر بر شخصی وصی نصب ایدر . (۱۴ ؛ ۳۶۲ ؛ ۴۴۸ ؛ ۴۰۵) .

۱ : وصینك
شخصی .

(۱) علاه اطلاق . ایجاب مصلحت لزوم کویسترر ایسه معاً ویا نوزلردن هر برینه احاله ایدمکچی وظائفه کوره اداره ایتك اوزره متعدد وصی نصب اولنه بیلیر .

مع مافیه عین وصایت رضالری منظم اولدقهده متعدد اشخاصه تحمیل اولنه ماز .

۳۸۰ ماده : اسباب حقیقیه مانع اولدینی تقدیرده مقام وصایت بومأموریتی ایفایه مقتدر ورجنیک ترجیحی . (۲) اقربانك

کرك یقین اقباسندن ویا متعلقات صهریه سندن برینی وکرك زوج ویا زوجی ترجیحاً وصی نصب ایدر .

علاقه دارانك مناسبات شخصیسی واقتمکاهك یاقینانی نظر اعتباره الیر . (م : ۴ ؛ ۲۱ ؛ ۳۸۱ ؛ ۳۸۲) .

۳۸۱ ماده : اسباب حقیقیه مانع اولدقهده پدر ویا والدهسی ویا خود تحت وصایت الهه حق کسه طرفندن ارأه اولنان کسه وصی نصب اولنور . (۳) وصینك
(۴) وصایت قبول

۳۸۲ ماده : صغیرك ویا محجورك ذکور اقربانی ویا زوجی ویرده وصایتك دائره سی اهالیسندن و حقوق سیاسی بی حائر ذکور دن هر شخص وصیلک وظیفه سنی در عهده یه مجبوردر . (م : ۳۸۹) .

هائله مجلسندن نصب اولنه حق وصی ایچون بر مجبوری یوقدر .

۳۸۳ ماده : زیرده بیان ایدیلن اشخاص وصیلکدن معاف طوتوله بیلیر . (۵) معافیت
اسبابی .

(۱) التمن باشنی اجمال اتمش اولان کسه ؛

(۲) وجودنده کی معلولیتدن طولانی احرای مأموریتیه صعوبتی اولان کسه ؛

(۳) درت چو جوقدن زیاده عهده سنده ولایتی اولان کسه ؛ (م : ۲۷۳ ؛ ۴۰۵) .

(۴) ایکی وصایتی اولان و فقط دغدغله ی وصایته تعیین ایدیلن کسه ؛

(۵) شورای هیئت مجتمعه نك اعضالری و هیئت مجتمعه مجلس عمومیسنك قانچهلری ایله هیئت مجتمعه نك اعضالری ؛

(۶) ایالات طرفندن نصب اولنان ایالات حکومتلرینك بیوک رجالی ایله اعضایی ، (۴) ناهلیت . ۳۸۴ ماده : زیرده بیان ایدیلن اشخاص وصی نصب اولنه ماز :

(۱) کندیسیدخی دائمی صورتده تحت وصایتده بولنان کسه ؛

(۲) حقوق سیاسیهدن محروم ویا سوء حرکتله مشتهر اولان کسه ؛ (۳) (۳۷۳) (۳۷۳) (۳۷۳)

(۳) تحت وصایت الهه حق اولان کسه ایله اختلاف و منافع جدیدسی ویا آنک ایله شخصی دشمنلیکی اولان کسه ؛

(۴) وصیلک مأموریتی ایفایه مقتدر دیگر کسه لر بولندینی تقدیرده ایشده علاقه دار اولان مقامات وصایتك اعضایی . (م : ۴۴۵ ؛ ۴۰۵) .

۲ : نصبده کی اصول .

۳۸۵ ماده : مقام وصایت در حال وصی یی نصب ایتمک مجبوردر .

لدی الحاجه مجبوری دعواسنه یتیمك اننای صباوتنده دخی ابتد ار اولنه بیلیر . (م : ۲۸۳ ؛ ۴۰۵) .

(۱) وصینك نصبی .

پدرک محجور اولان کیر اولادی وصایت تختنه قونیه حق یرده قاعده ابوت تختنه وضع اولنور . (م : ۲۷۳ ؛ ۲) .

۳۸۶ ماده : وصی تعیینندن مقدم بعض امورك ایفاسنه محل کورلدیکی تقدیرده مقام وصایت تداییر لازمه یی رأساً اتخاذایدر . (۲) تدایر موقتہ

خصوصیله حجر ایدیله جک کسه یی موقتاً حقوق مدنی سندن محروم واکا بر نائب تعیین ایدم بیلیر .

(م : ۳۶۹ ؛ ۴۰۵) .

بوقرار اعلان اولنور . (م : ۳۷۵) .

۳۸۷ ماده : خبر نصب نصب وصی یه تحریر آخبار اولنور . (م : ۳۳ ؛ ۲۷۵) .

(۳) اخبار و اعلان .

وصینك نصبی محجوریتله برلکده مولدی اولان محلك بر جریده رسمیه سیله اعلان اولنور .

۳۸۸ ماده : خبر نصب کندیسنه واصل اولدینی کوندن اعتباراً اون کون ظرفنده وصی معافیت
واعتراض .

معافیتك اسبابی در میان ایدم بیلیر . (م : ۳۸۳) .

هر علاقه دار خبر الدینی کوندن اعتباراً اون کون ظرفنده امر نصبک یواسزلغندن ناشی اعتراض ایدبیلیر .

(۴) معافیت
واعتراض .

مقام وصایت وصینك عدم قبولی ویا اعتراض قبول اولندینی تقدیرده یکیدن وصی نصب ایدم بیلیر .

عکسی حانده راپور توسیله برابر اتخابنك اجراسنه قرار ویرلک ایچون ایشی مقام نظارته سوق ایدر .

(۵) مقام وصایتك
وظیفه سی .

۳۸۹ ماده : مع مافیه نصبنی قبول ویا نصبنه اعتراض اتمش اولان وصی مأموریتندن کف یدایتدیر یله جیه قدر وصایتی ایفایه مجبوردر .

(۲) اداره موقتہ .

٣ : قرار. ٣٩٠ ماده : مقام نظارت بوبادیه کی قرارینی انتخاب ایتدیکی کسمبه ایله مقام وصایته اخبار وانهاید.

وصی، مأموریتندن کف ایتدیرلمش ایسه مقام وصایت درحال آنک یرینه دیکرینی نصب ایدر. (م : ٣٩١).

(٥) مأموریتنه بد. ٣٩١ ماده : نصب وصایت قطعی کسب ایتدکده مقام وصایتک اهما میله وصی مأموریتنه بداید.

بشنجی فصل

وصایت موقته

Curatelle.

٣٩٢ ماده : مقام وصایت کرک علاقه دارانک استدعای اوزرینه وکرک رأساً فانونک بیان ایتدیکی احوال دن ماعدا اوله رق خصوصات آتیه ده بروصی موقت تعیین ایدر. (١) نیابت وکالت.

(١) اگر برکسمه خسته لق ویاغیوب و بونله مائل اسبا بدن ناشی مستعجل برایشده عمل وحرکتدن ونده برنائب تعیینندن عاجزایسه ؛ (م : ٨٢٣).

(٢) اگر صغیرک ویا محجورک منفعتی نائب قانونیک منفعتیه متضاد اولورایسه ؛

(٣) اگر نائب فانونی به اجرای معامله ایچون بر مانع واقع اولورایسه .

٣٩٣ ماده : مقام وصایت اداره سی کسمبه یه تحمیل اولنه میان اموالک اداره سی اسبابنه توسل ایتکله وخصوصیه احوال آتیه ده وصی موقت تعیین ایتکمه مجبوردر : (٢) اموالک اداره سی .

(١) اگر برکسمه مدت مدیده غائب اولوبده محل اقامتی مجهول بولورایسه ؛

(٢) اگر برکسمه کنایسه بروصی نصبه محل اولدینی حالد کنیدی اموالک اداره سندن یاخود وکیل انتخابندن عاجز بولورایسه ؛

(٣) اگر ترکهنک حقوقی مجهول بولور ویا رحم مادرده بولسان برچو جوغک منفعتی لزوم کوستررایسه ؛ (م : ٣١ ؛ ٢).

(٤) اگر بر جمعیتک ویا رمؤسسه نک تشکیل وتنظیمی تمام اولیوبده بشقه برصورته ده اداره سی چاره سنه باقلاماش اولورایسه ؛ (م : ٨٠ ؛ ١٠٠).

(٥) اگر امور خیریه ویا منفعت عمومی ایچون اهالیدن جمع ایدیلن اچه لره اداره و تمییه سی طریقته باقلاماش ایسه ؛ (م : ٤١٩).

٣٩٤ ماده : هرکس اگر طالب ایدر و محجوریت اموالندن برنده بولور ایسه آکبروصی موقت تعیین اولنه یایر. (٢) وصایت موقته اختیاریه .

٣٩٥ ماده : کیر اولان کسمه نک حجر اولنسنه کافی سلب بولنیوبده فقط منفعتی حقوق مدنیهنه سیک برقسمنندن محروم ایدلسنه لزوم کوستریر ایسه آکا برمشاور قانونی تعیین اولورکه بونک موافقتی معاملات آتیه ایچون لازمدر . (٣) اهلیت محدوده .

(١) خصومت و صلح ایچون ؛

(٢) عقارات مبیعه سی و فروختی و بونلری رهنه ویا حقوق مجرد اعیان وسائر ایه تقیید

واشغال ایچون ؛ (٣) اوراق نقدیه مبیعه سی و فروختی و ترهینی ایچون ؛

(٤) اداره جاریهنک احتیاجندن فضله بنا انشایچون ؛

(٥) اقراض واستقراض ایچون ؛

(٦) مطلوباتک رأس المالنی قبض ایچون ؛

(٧) هبه ایچون ؛

(٨) پولیجه تمهداتی امضا ایچون ؛

(٩) کفالت ایچون .

بو مثللو احوالده برکسمه ، کنیدی ایرادینک کیف مایشا تصرفی عهده سنده ابا و محافظه

ایدیلهرک اموالک اداره سندن منع ایده ییلیر . (١٠) اموالک اداره سی .

٣٩٦ ماده : وصی موقت، حرایدیه کک کسمه نک اقامتگاهنک مقام وصایتی طرفندن تعیین

اولنور . (م : ٢٣).

محجورک اموالک اداره سی احواله اولنه جق وصی موقت، اموالک کیبوک قسمنک اداره

اولنقده اولان محلا یاخود او کسمه نک هبه ویا ارث صورتیه تصرفنه کچن اموالک کاش

اولدینی یرک مقام وصایتی طرفندن تعیین اولنور .

مولدی اولان بلدییه دائره سنک دخی کنیدی دائره سی داخلنده کی اهالینک حقوقک محافظه سی

ضمننده عین اقتداری واردر . (م : ٣٧٨).

٣٩٧ ماده : بوباده کی اصول محاکمات حجر ماده سنده جاری اولان اصول کیدر (م : ٣٩٩)

والح . ٣٧٩ والح .

وصی موقتک نصب اولندیغک اعلانی مقام وصایت تنسیب ایدر ایسه واقع اولور .

اون برنجی باب

اداره وصایت

Administration de la tutelle

برنجی فصل

وصینک وظائف

Fonctions du tuteur

۳۹۸ ماده : وصی مأموریتہ ابتدار ایتدکده، مقام وصایتک بر مأموری برلکده اولدینی

۱ : مأموریتہ
ابتداری

حالده یتیمک اموالک بر مفردات دفتری (۱) ثبت وتنظیم ایدر .

یتیم، قوه تمیزیه نی حائر اولدینی حالده ممکن ایه دفترک تنظیمنده حاضر بولنق ایچون دعوت اولنور .

مقام نظارت ایجاب حال لزوم کوسترر ایه وصایت هیئتک تکلیفیه رسمی صورتده بردفتر

تنظیمی وصیه امر ایدر .

بودفترک اصحاب مطلوب حقنده حکم وقوتی میراث حقنده تنظیمی مشروط اولان دفترک

اصحاب مطلوبی ایچون افاده ایتدیکی حکم کیدر . (م : ۵۸۵ : واخل .)

۳۹۹ ماده : اسهام وسندات و ذیقیت اشیا و وثائق مهمه و بونلره مائل سائر شئله یتیمک

(۱) دفتر تنظیمی
(۲) اسهام و ذیقیت
(۳) اشیایک حفظی

اموالک اداره می ایچون محذور کورلر ایه مقام وصایتک تحت تفتیشنده اوله رق امین بر محله

حفظ اولنور . (م : ۴۲۵ : ۲)

۴۰۰ ماده : اگر یتیمک منفعتی لزوم کوسترر ایه اشیا منقوله سائر مقام وصایتک تعلیماته

(۳) اموال منقوله
تک فروختی

توفیقاً مزایده علیه ایله یا خود رضاء صاتیلیر .

یتیمک عائله می ایله کنیدیسی ایچون محبتی جالب بر قیمتی اولان شیلر مستننا اوله رق صاتیلیر .

(م : ۶۱۳ :)

۴۰۱ ماده : وصینک استعمال ایده مدیکی تقود درحال مقام وصایتک وایالتک بر امرنامه سیله

(۴) تقود .

ارائه اولنقش بر مؤسسه صرافیه فائضله تمیه یا خود مقام مذکور دن تصویب اوله جق اسهام

مبايعه اوله جقدر . (م : ۴۲۵ : ۲)

۴۰۲ ماده : یتیمک صورت کفایده تحت امنیتده اولیان مطلوباتی امین ومتین بر صورته

۴ : امین صورته
معمولی

قلب اوله جقدر . بو خصوص وقت مناسبده ویتیمک منافعی محافظه اوله جق برطرزده اجرا

اولنق لازمدر .

(۱) Inventaire

۴۰۳ ماده : یتیمک وارداتی داخلنده التزامات وصنایع تجاریه ویا سائر بولندقد مقام

(۵) التزامات
صناعیه و تجاریه

وصایت بونلری تصفیه ویا دوام ایتک ایچون تعلیمات لازمی اعطا ایدر . (م : ۴۲۳ : رقم ۳)

۴۰۴ ماده : عقارات دخی مقام وصایتک انضمام رأی ایله فروخت اولنور . مقام وصایت

(۴) اموال غیر
منقوله

یتیمک منفعتی لزوم کوسترمدکجه بونلرک بیعنه مساعد ایتمز . (م : ۴۲۱ : ۶۵۵)

فروخت ماده می مزایده ایله واقع اولور . واحاله می مقام وصایتک تصدیقنه متوقف در و بوباده

درحال قرار ویرمی لازمدر . (د : ۲۲۹ : واخل .)

فروخت ماده می بعضاً استننا اوله رق مقام نظارتک تصدیقنه رضاء واقع اوله بیلیر :

۴۰۵ ماده : وصی یتیم صغیرک اتفاقه واعاشه و تربیه سنه نظارت ایدر . (م : ۳۷۸ : ۳)

۲ : اهتمام شخصی
نیابت

مقام وصایتک مداخله می محفوظ قالمق اوزره ، وصی پدر و والدته کی بوباده کی حقوقی

(۱) اهتمام شخصی

استعمال ایدر . (م : ۲۷۳ : واخل ۴۲۱ ، و ۴۲۲)

۱ : سفار

۴۰۶ ماده : وصی ، محجوری حمایه وهر مصالح شخصی سنه معاونت ولدی الحاجه بر

۲ : محجورین

مؤسسه یه وضع اولنمی تداییرینه توسل ایدر .

۴۰۷ ماده : : مقامات وصایتک مداخله و موافقتی لازم اولان خصوصات محفوظ قالمق

(۲) نیابت

اوزره ، وصی حقوق مدنی سنه یتیمه نیابت و وکالت ایدر . (م : ۱۸۰ : ۱۸۱ : ۲۳۲ ؛

۱ : علی الاطلاق

۴۲۱ ؛ ۴۲۲ ؛ ۵۵۴ : ۳)

۴۰۸ ماده : هیچ برکفالت امضا و آزجوق قیمتی اولان برشی ونه ده یتیمک علیهنده مؤسسه

۲ : امور مجموع

تشکیل اولنماز . (م : ۸۱ : واخل . د : ۲۳۹ : واخل ۴۹۲)

۴۰۹ ماده : یتیم ، ممکن اولور وقوه تمیزیه اهل ولاقل اون التی یاشنده بولنور ایه

۳ : یتیمک اشتراکی

بالجمله امور و معاملات کنیدیسی ایله بالاستشاره اجرا ایدیله جکدر . (م : ۱۶ : ۴۱۹ : ۳)

۴۱۰ ماده : قوه تمیزیه مالک اولان یتیم وصینک صراحة ویا دلالة انضمام ایدن رضا

۳ : یتیمک اموری

و یا اجازتیه التزام دین ویا برحقدن فراغت ایده بیلیر . (م : ۱۶ : ۱۹ : ۲۴۱)

(۱) وصینک رضامی

کنیدیسنک تعیین ایلدیکی مدت ظرفنده دیگر طرف اجازت ایتدیکی تقدیرده آرتق مقید

و ملزم اولماز .

۴۱۱ ماده : وصی یا پیلان معامله یه اجازت ایلدیکی تقدیرده هر برطرف تأدیات ومدفوعاتی

(۲) عدم رضا

طلب ایدر .

مع هذا یتیم انحق استحصال ایلدیکی ویا سومنیتله لندن چیقاردینی مقدار قدر ضامن اولور .

(د : ۶۲ : واخل)

يقيم اهل اولاديني خالده خلاف واقع اوله رق كنديسي اهل ديه كوسترمش اولديني اشخاص
ثالثه ايراث ايتديكي ضرري ضامن اولور .

٤١٢ ماده : مقام وصايت طرفندن صراحة وبادلالة برصنعت عادية وياتجارية اجراسنه
مساعده ايديلن يتيم بوضعك دائره سي داخلنده ياپديني اموردن طولاني جميع امواليه ضامندر .

(م : ٤١٤) .

٤١٣ ماده : وصي ، يتيمك اموالي برمدير مدير كي اداره ايدر . (م : ٣٢٠ : والح : ٣٠٥٤) .
حساب طومتق ايچون مقام وصايت طرفندن تعيين اولنان مدت لر طرفنده ولا اقل ايكي سنه ده بر
حسابلري كنديسنه ويرمكه مجبوردر . (م : ٤١٥ : ٤٢٣) .

يتيم ، لا اقل اون التي ياشنده وقوة تميزيه مالك ايسه حسابلرك رؤي ائناسنده ممكن ايسه
كنديسي دعوت اولنه جقدر . (م : ١٦ : ٤٠٩) .

٤١٤ ماده : يتيم ، كندى يدينه تسليم وترك ايديلن اموالي ياخود وصيسنك انضمام رضاسيله
اكتساب ايلديكي شيلري اداره ايدر (م : ٤١٢) .

٤١٥ ماده : قاعدة وصايت ايكي سنه مدته تقويض اولنور .
وصايت ايكي سنه دن ايكي سنه يه وصينك ساده جه تصديقيه دوام وامتداد ايدر .
وصي درت سنه مدتق انقضاسنده وصايتي ترك ايدميليپر .

٤١٦ ماده : وصي ، يتيمك اموالدين براجرت اخذايده بيلير .
بواجرت مقام وصايت طرفندن هر بر مدت حسابيه ايچون وصينك صرف ايتديكي امكه
ويتيمك ايرادينه كوره تعيين وتقدير اولنور .

(م : ٣١ : ١٣٢) .
ايكنجى فصل :
١٣٢ : ٣١ : ١٣٢ .

١٣٢ : ٣١ : ١٣٢ .
Fonctions du curateur .
١٣٢ : ٣١ : ١٣٢ .

٤١٧ ماده : كندى منفعللري ايچون تحت وصايت بواقته يه ائنان اشخاصك حقوق شخصيه
مدنيه لرينك تصرف واستعمال عهده لرنده باقى و محفوظ قالير . فقط اوصي موقتك انضمام

وصايت موقتك مدنى واجرتى مقام وصايت طرفندن تعيين وتقدير اولنور . (م : ٤١٦) .
٤١٨ ماده : وكالات مخطوطينه لجان اولان اوصي موقت وصايت هيتك تعليماته توفيقاً

اجراى وظيفه ايدر . (م : ٣٩٢) .
(الح : ٢٣ : ٤) .

٤١٩ ماده : محجورك اموالك نظارتى ويا اداره سي عهده سنه محول اولان وصي موقت
انجق امور اداره وتحفظكارانه لازميه مبادرت ايدر . (م : ٣٩٣) .

تدابير سائرهي انجق وصيدي اولديني كسهنك موافقت مخصوصه سيله ياخود اكر بوكسه
موافقتي ويرمكه اهل دكل ايسه مقام وصايتك انضمام رائيله اتخاذ ايدز . (م : ١٧ : والح :) .

٤٢٠ ماده : قوه تميزيه مالك اولان يتيم وهر علاقه دار وصيتك امورى عليهنده مقام
وصايتك ايدميليپر . (م : ١٦ : ٩٩) .

٤٢١ ماده : وصي ، معاملات ائنيهك اجر اسيچون مقام وصايتك رضاسنى المقي لازميتبار .
مقام وصايت طرفندن .

(١) عقارات مبايعه ويا فروختى وبوتلرلى رهنه ياخود حقوق سائر مجزده اعيان ايله
فقتد واشغال ايچون ؛

(٢) اداره وايشتمهك احتياجندن فضله اموال مبايعه سي وفروختى تورمهي ايچون ؛
(٣) اداره جاريهك احتياجندن زياده بناالاشاي ايچون ؛

(٤) اقراض واستقراض ايچون ؛
(٥) پوليجه تعهداتى امصايتي ايچون ؛

(٦) برسنه ودها زياده مدته جفتك واوچ سنه ودها زياده مدته عقارات اجاره سي ايچون ؛
(٧) برصنعت عادية وياتجارية اجراسنه يتيمه ماذونيت ويرمك ايچون ؛ (م : ٤١٢) .

(٨) محاكمه ، مخاصمه ، عقد ومصالحه ، وتحكيم وقوتقوردا تو ايچون . سوتقوردا تدابير موقت
مستعجله اتخاذ ايتك صلاحيتي محفوظدر .

(٩) ازدواج مقاوله سي عقد و برتركي تقسيم ايچون ؛
(١٠) اداى ديندن مجزى اخبار ايچون ؛

(١١) يتيمك حياتى اوزرينه سيغورطه عقدى ايچون ؛
(١٢) شا كرداك مقاوله سي عقدى ايچون ؛ (م : ٣٢٥) .

(١٣) يتيمى برتريه مؤسسه سيه وبرمجايه ويا خسته خانه يه قويق ايچون ؛
(١٤) يتيمه يكي اقامتگاه تشكيليچون تشكيلي ايچون (م : ١٧٩ ؛ ٢٢٩ ؛ ٢٣٢ ؛ ٢٨٢ ،

٢٧٧ ايله مق :) .

۴۲۲ ماده : مقام وصایتك قرارندن صکره خصوصات آتیہ ایچون مقام نظارتك رضایی

لازمدر :

(۱) یتیم، متبا ویا مبتی اولسه دخی، تنی ایتك ایچون ؛ (م : ۲۷۴ و الخ) .
(۱) شم یلك حقنی اکتساب ویا اندن فراغت ایتك ویتیمك مسئولیت شخصی ویا مهم بر سرمایه یی ایجاب ایتدیرر اولان بر شمر کته کیرمك ایچون ؛

(۴) قید حیات شرطیله ایراد ویا بسله مک مقاولاتی عقد ایتك ایچون ؛

(۵) بر وراثتی قبول واندن کفید ایتك و وراثت مقاوله سی عقد ایله مک ایچون ،

(۶) یتیمك مأذونیتنه حکم ایتدیرمك ایچون ؛

(۷) وصی ایله یتیم بیننده انعقاد ایدن عقودك صحتنی تصدیق ایتك ایچون . (م : ۳۰۴، ۳۰۵) .

۴۲۳ ماده : مقام وصایت و صینك راپورتلیله حسابات جاریه موقوفه سنی تدقیق و تنسیب ایتدیکی تقدیرده ا کمال ویا تصحیح اولمیشی امر ایدر . (م : ۴۱۳) .

و بوحسابلری قبول ویا رد ولدی الحاحه یتیمك منفعتك لزوم کوستردیکی تدابیری اتخاذ ایدر .

۴۲۴ ماده : وظیفه دار مقام وصایتدن قانوناً طلب اولمیشی واجب اولان موافقتی استعمال

ایتمکسزین یا بیلان امورك یتیم حقنده کی احکامی طبق یتیمك وصیتسینك رضایی آلمقسزین یا بیش اولدینی معامله نك احکامی کیدر . (م : ۴۱۰؛ ۴۱۱) .

۴۲۵ ماده : ایالات، با امرنامه مقامات وصایتك امورینه معاونت واشتراك ایدلمسینه دائر

احکامی اتمام واکمال ایدم بیلیرلر .

وقودك ارباح و حفظی و برده حساباتك و راپورتلرک شکلی و حسابلرک رؤیتی حقنده قواعد

مخصوصه ترتیب و تنظیم ایدم بیلیرلر .

بوقواعد شورای هیئت مجتمعه نك تصدیقنه اقترا ایدر .

— مابعدی وار —

سلانیک استیناف محکمه سی اعضای سابقه سندن و دعاوی وکیللرندن

نظرت خارجیه

اعلان

هکبه لی اطه ده ساکن بقال دیمتری لوییدینک هکبه لی اطه ده دوقنور عزیز بک خان سنده مقیمه کال بک قان والدیه سی فریده خانم علیهنه بقالیه اتمانندن بیک سکسان ایکی ضررش الاجفک تحصیل حقنده قرتال صلح محکمه سینه اقامه ایلدیکی دعوی اوزرینه اولباده تنظیم و لاجل التبلیغ ارسال قلنان دعوتیه ورقه سی زیرینه مزبورده نك مدعینك ارانه ایلدیکی اقامتگاهندن جیقوب کیتدیکی و اقامتگاهنی مجهول بولندینی هکبه لی اطه امام و مختارانی طرفندن شرح ایدلمش ومدعی وکیلنك واقع اولان مراجعتی اوزرینه محاکمه نك اوجیوز اوتوز سنه سی تموزینک یکریمی آلتنجی جمعه ایرتسی کونی اجراسی قرارلشدیرلمش و تنظیم قلنان ضبط دعوی ورقه سی محکمه دیوانخانه سینه تعلیق قلنمش اولدیغندن مدعی علیهانك یوم مذکورده محکمه به کلسی ویا وکیل کوندرمسی و عکسی تقدیرده حقنده معامله غیاییه اجرا قلنه جغندن اعلان اولنور .

* *

هکبه لی اطه ده ساکن بقال دیمتری لوییدینک هکبه لی اطه ده چارشو جوارنده پانده لینک قان والدیه سنیک خانه سنده مقیمه انیقا طورومیا و کریمه سی قورالیا علیهلرینه بقالیه اتمانندن اون آتی یحق لیرای عثمانیک تحصیل حقنده قرتال صلح محکمه سینه اقامه ایلدیکی دعوی اوزرینه اولباده تنظیم و لاجل التبلیغ ارسال قلنان دعوتیه ورقه لری زیرینه مزبورده نك مدعینك ارانه ایلدیکی اقامتگاهندن جیقوب کیتدکلری و اقامتگاهلری مجهول بولندینی هکبه لی اطه امام و مختارانی طرفندن شرح ایدلمش ومدعی وکیلنك واقع اولان مراجعتی اوزرینه محاکمه نك اوج یوز اوتوز سنه سی تموزینک یکریمی آلتنجی جمعه ایرتسی کونی اجراسی قرارلشدیرلمش و تنظیم قلنان ضبط دعوی ورقه سی محکمه دیوانخانه سینه تعلیق قلنمش اولدیغندن مدعی علیهانك یوم مذکورده محکمه به ککلری ویا وکیل کوندرملری و عکسی تقدیرده حقارنده معامله غیاییه اجرا قلنه جغنی اعلان اولنور .

* *

فاتحه کوچک قره مان محله سنیک سپورکچیلر زقاغنده ۹ و ۱۱ نومرو ایله مرقم سکسان عرصه نك ثانی سلیمان نوزاد بکه و برثانی محل مذکورده شکرچی مصطفی اذیه عائد دیگر ثلثید محلول اولوب قابل افراز و تقسیم اولدیغندن بالاشتراك تصرف ایدیلان اموال غیر منقوله نك تقسیمی حقنده کی قانون موجبجه بالمزایده فروحتی شرکادن مومی الیه سلیمان نوزاد بک طرفندن طلب و دعوی ایدلمش و بالمحاکمه شریک دیگر مصطفی اذیا و اوقاف نظارتی وکیلی دخی طلب و اقامه اشتراك ایله مسنه مبنی بالمزایده فروختنه قرار ویرلمش و مجلس

اداره جه تقدیر ایدیلان اون ایکی بیک غروش قیمت اوزرندن یکدیگری حصه لرینی تفرغدن امتناع ایتلرینه
مبنی مذکور عرصه نك تمامی مزایده یه وضع ایدلمش اولمغه طالب اولانلرک تاریخ اعلاندن اعتباراً اوتوز کون
مدت ظرفنده قیمت تخمّه مذکورە نك یوزده اونی نسبتبده پی آخچه سنی مستصحباً فاتح صلح محکمه سی اجرا
دائرة سنه صالی و جمعه ایرتسی کونلری مراجعت ایللری اعلان اولنور .

آیا قپوده اسکله جاده سنده کل جامی قربنده ۳ نومروده مقلوب عرصه نك قابل اعتراض و تقسیم اولدیغندن اقراريله بین الشركا تقسیمى اون قپاننده اجزاجی یورکی ولد آپوستول طرفندن طلب دعوی ایدلمش و شرکادن آیا قپوده اسکله جاده سنده ۷ نومرو خانه ده آغوب نامنه تسطیر ایدیلان جلبنامه زیرینه محله مذکوره روم مختاری و مباشر طرفندن ویریلان شرحنده مرقومك محله سنندن برسنه اول انفكاك ایتدیکی والیوم نروده بولندیقنك غیر معلوم اولدیغنی بیلدیلمسی اوزرینه مدعی طرفندن اعلاماً تبلیغیات اجراسی طلب ایدلمش و طلب واقع اصول محاکمات حقوقیه قانونك ۲۶ نجی ماده سنه موافق کوریلهرك لاجل المحاکمه ۶ اغستوس سنه ۳۳۰ صالی کونی زوالی ساعت برده حاضر بولنسی حقنده کی ضبطنامه محکمه دیوانخانه سنه تعلیق ایدلمش اولمغله یوم و وقت مذکورده فاتح صاحب محکمه سنه بالذات کلی ویا بروکیل کوندرمسی اولمدیغنی تقدیرده حقنده معامله غایبه اجرا ایدیله جکی اخطار و اعلان اولتور.

مندرجات

۵ اگستوس ۲۳۰

فسم رسی

تاریخ	موضوع	نوع و شماره
۶۰۸۹	تموز ۳۳۰	نومبرهای عملیه
»	»	»
۶۰۹۰	»	»
۶۰۹۱	»	»
۶۰۹۲	۲۸ نیشان	قوانین و نظامات
۶۰۹۲	۳ تموز	»
۶۰۹۳	۲۰	»
۶۰۹۳	۲۱	»

تعلیقات عمومی

— (۱) ملكيه جزا قانونك يوز ايكنجى ماده سنه
علاوه ايدىلن فقره حقتده

(۲) رضى جزاى تقديسنك حبسه تحويلى
كيفيتنك هانكي محكمه طرفندن رؤيت
ايديله چكنه دائر

محكمه نيميز حقوق دأره سى مقرراتى — (۱) محكمه يه دعوايه موافق وكالتنامه ابرازى
لزومنه دائر

(۲) اوجنجى درجه ده توكيل ايدىلش اولان
اشخاصك وكالتى بطلاندن قورتيلاه ماز

(۳) قسمت جمع

(۴) يدك تبدلى خصوصتك تبدلى مستلزم اولماز

(۵) اقرار

(۶) مدعى عليهك فضله تسليمات ادعاسنى اثبات
ايدمهديكى حالده مدعى يه قارشو حق
تحليفه دائر

محكمه نيميز جزا دأره سى مقرراتى — (۱) مظنون صفتيله تحت استجوابه آلتق افاده نك
مخالفا استماعنه مانع قانونى تشكيل ايتمز

(۲) تطبيق جزاده عدم اصابت

(۳) اعلان مشروطيتدن مقدم ايقتاع اولنسان
جرائم عاديّه مكرركه اساس اوله ماز

(۴) وكيل مدافعك مدافعتنك اسباب موجبّه
رديه سنك مجرميت قورنده ارايه سى لزومنه دائر

(۵) محكمه جه جلبنه لزوم كورلديكى ماده
حقتده كى ويريلان قرارك اقتران ايلديكى
نتيجه ضبطنامه ده كوسترلك اجباب ايدر

محكمه نيميز استدعا دأره سى مقرراتى — (۱) اثبات مكان شهودى حقتده

(۲) حكم استينافى عليهنده نيميز دعوا حقتده

انجمنه عدليه مقرراتى — (۱) قصبه قرى داخلنده مضرتى موجب اوله حق
محالرده فشك و طبائجه آتمق

(۲) صالح محكمه لرنده وكيلرك بلا جرت كللى

محكمه نيميز حقوق دأره سى ترقيقاى نتيجه نيز اولانه دعاوى اعلاماتنك بستمى

قسم غير رسمى

مقالات

سويجه قانوننامه مدنيى

{ مترجمى سلايك مكتب حقوق معلمين سابقه سندن
و وكلاى دعاويدن نظرت خاجريان افندى }